

ЗУЛФИЯ ҚИЗЛАРИ

*Давлат мукофоти
совриндорлари ижодидан*

Faafur Fулом номидаги нашриёт-матбаа ижодий уйи
Тошкент – 2003

83.3(5У)

3-91

Тўпловчи:

Хайринисо МИРЗАЖНОВА

**Зулфия қизлари (Тўплам) Тўпловчи: Х. Мирзажонова. – Т.:
F. Фулом номидаги нашриёт-матбаа ижодий уйи, 2003. – 64 б.
1. Мирзажонова X., тўпловчи.**

Зулфия қизлари мукофотига 2001 йилда сазовор бўлганлар – катта ҳаёт йўлига дадил интилаётган – ўқиётган, илмий изланишлар олиб бораётган, ижод қилаётган қизлардир. Мазкур тўплам улар мукофотланган пайтдаги таржимаи ҳоли, ўқишида ва ижодда эришаёттан ютуқлари ҳақида қисқача маълумот беради.

ББК 83.3(5У)

**T 4702620202-60
M 352(04)-2003 – режага қўшимча, 2003**

**© Faфур Fулом номидаги нашриёт-
матбаа ижодий уйи, 2003 й.**

ISBN 5-635-02047-X

МАМУТОВА ДИАНА СОБИТОВНА

1988 йил 17 майда Қорақалпоғистон Республикасининг Кўнғирот туманида туғилган. Кўнғирот туманидаги 83-сонли мактабнинг 7-синф ўқувчиси (Маданият йўналиши бўйича мукофотга тавсия этилган).

Д. Мамутова мактабда аъло ўқиши, намунали хулқи, ўзига талабчанлиги, зийраклиги билан ажралиб туради. У ёш бўлишига қарамасдан аълочи ўқувчи сифатида қаторасига уч йил (1997, 1998, 1999 йиллар) Ўзбекистон Республикаси Халқ таълими вазирлигининг Фахрий ёрлиqlарига сазовор бўлган. Ё.Жиров номидаги иқтидорли болалар мусиқа мактабининг фортельяно мутахассислигининг 5-синфида аъло баҳоларга ўқимоқда. Миллий куй ва қўшиқлар, Оврупо мамлакатлари мусиқаларини севиб ижро этади. Республика «Нафосат» кўргиғи галибидир. Кўнғирот туманидаги «Прогресс» инглиз тилини ўрганиш марказининг талабаси. Қорақалпоқ, қозоқ, ўзбек ва рус тилиларида ҳикоялар, кичик лавҳалар ва мақолалар ёзиб, инглиз тилига бемалол таржима қиласди. У туман «Халқ театри»нинг иштирокчисидир, ўзи ёзган ҳикояларини саҳналаштиради. Унинг қорақалпоқ тилида «Ўйланмай айтилган бир оғиз сўз», ўзбек тилида «Шарпадан ҳаётта қадам», рус тилида ёзилган «Как мы однажды повзросели», «Легенда об Амударье и Сирдарье» каби ҳикоялари республика ва туман матбуотида кенг ёритилган ва ўз мухлисларини топа олган. Ҳозирда тўртта тилда завқ билан ижод қилаётган Д.Мамутова аълочи ўқувчи, яхшигина қўшиқчи ва созанда, спорт устаси, жамоатчи мухбир ҳамдир.

НОМУС КУЧИ

(Воқеий ҳикоя)

Оқтурсун хола оиламизниң эски қадрдонларидан. Ақлим кирибдик, уйимизни уларнинг меҳрибон чехраларисиз тасаввур этиш қийин. Менга қолса-ку, дунёда Оқтурсун холамдан мулойим, меҳрибон аёл зоти йўқ гўё. Аммо қўши nilар... дардисар, манманлиги бошига етган баҳти қора, дейишади.

Дадам ҳам Оқтурсун холамни ёқтирмай, ўз ошига ўзи тепган ношуқур, арслондек йигит умрининг заволи десалар ҳам, аслида, уларнинг ҳурматини жойига қўйиб, қуюқ сўрашадилар.

Онам, онам эса... Уйимизда уларни қўйишга жой тополмайдилар. Менга Оқтурсун хола билан онамнинг аламли дардлари худди ўхшашдек туюлади.

Шу куни мактабдан эрта жавоб беришди. Ҳовлимизга яқин яшовчи қўшнимизнинг қизи Дилноз худди арвоҳни кўргандай дарвозамиздан чиқиб:

— Дилора, сизларнига телефонга кирудим, уйингизда анови, киши ўлдирган холадан ўзга ҳеч ким йўқ, — деди.

— Қанақа хола экан у, одам ўлдирган, — деб ҳовлимизга қўрқаписа кирсам, сўрида кулиб Оқтурсун холам ўтирибдилар.

— Хола, холажон, югуриб бориб уларни қучоқларканман, ўзимда ҳаяжонли куч, соғинч ҳиссини туйдим.

— Умрингдан барака топ, қизим, нимаки ният этсанг, рўпарангда доим баҳт қулиб боқсин... Сизларни жудаям соғиндимки, бор ишимни қўйиб, бүёққа кела бердим, — деб қолдилар.

Бу куни ҳам онам иккалалари узоқ гаплашдилар, қанақадир «анави воқеаларни эслашиб, холам йифлади, онам эса узоқ юпатдилар. Менинг эса қарорим қатъий эди, шу боис:

— Ойи, нима, Оқтурсун холам киши ўлдирганми? — деб, тўсатдан сўрадим.

Онам худди тепасига бирор совуқ сув қўйгандек чўчиб тушдилар.

— Унақа дема. қизим, холанг эшитса хафа бўладилар-а, оғзингга нима келса вайсайверасанми?

Мен гап тополмай қолдим.

— Кўшнилар гапирайти-ку, — дедим секингина.

— Гапирса гапир ё берсин, аммо сен гапирма. Онам узоқ жим қолдилар. Сўнг: Ҳа, Оқтурсун холанг одам ўлдириб, онадан қарғиш олган бегуноҳ гуноҳкор бечора. Аслида айб унда ҳам эмас, бу давр иллати, деганларида...

Йўқ, йўқ, мен бу гапларни онам айтмаганида, Оқтурсун холанинг, шунақа мўмин-қобил, оғзидан бол томган ширинсухан, истараси иссиқ холажонимнинг одам ўлдирганига асло ишонмаганидим ҳам.

Оқтурсун холам жуда чиройли қиз бўлган эканлар. Онаси кўзининг оқу қораси, ёлғиз қизини совчилардан қизғаниб, авайлаб-асраб ўтирганида, Оқтурсун Тошкентга, ўқишга кетаман, — деб туриб олибди. Қизининг ҳар ҳафтада катта шаҳардаги ўқимишли йигитдан хат олиб юрганини кўрган онаси, уни овулидан олисга жўнатгиси келмаганди... Уларникида, турқи совуқ, овулда ҳамма қизлар, қўшнилар ёқтирмайдиган сариқ кампир пайдо бўлди-ю, онаси ўзгарди, қўйди.

— Худди сариқ илоннинг ўзи-я, яна қанақа гап топиб келди экан. Қанча қизларнинг бошига етганди, бу мастан. Ён қўшни Гулойимни Қипчоқнинг «хулигани» олиб қочганда, ўртада шу «сариқ» бор дейишувди-я...

Онасининг шу машъум тунда киприги илинмади ҳисоб... «Оҳ... лаб, «үҳ»... лаб, иссиққина ўчоқнинг бошида эрталабгача мастьқуда ётган қизининг гулдек чеҳрасига тикилиб ўтирди. Тонгда эса қизига мен қаридим, сени қутлуғ жойингга қўндирсам дейман. Орзу-ҳавас, невара кўрсам...

Бибихолангнинг ёлғиз ўғли топармон-тутармон, деди.

— Кўйинг, она, — деди Оқтурсун. Шу сариқ илоннинг ўғли ким бўларди. Такасалтанг. Совчи бўлиб кирмаган хонадони ҳам қолмаган... Унга овулда эси бор қиз тегармиди? Уйга шу кампир яна келгудек бўлса, ўзим ҳайдаб чиқараман, мендан кўргилигини кўради.

Онаси индамади, аммо қизини, кечаги ваъда бўйича бозорга юборди-ю, аммо ўзи қайсар қизининг тақдиридан қон ютиб, пешонасини ўчоққа ёрилгунча урди...

Қизи эса шармандали сотқинликдан бехабар, кийикдек сакраб, кўчага, ўзининг шўрпешона тақдирига тобора яқинлашарди...

Оқтурсун муюлишдан катта кўчага ўтди-ю, нотаниш машинани, ундан отилиб тушган тўртта барваста йигитларни кўриб, орқасига тисариламан дегунча, уни худди қўйдек, елка ва оёқларидан кўтариб, темир қафасга отишиди. Бошини орқа ўриндиққа тикиб, типирчилаб эшикка сифмаётган оёқларини эса, икки буклаб, кимдир устига ўтириди-ю, қиз олиб қочиш бошланди... Оқтурсуннинг оғриққа чидамай, жонҳолатда, «оғажон» лаб чинқиришларига жавобан, йигитлар йўғон товушда, баралла ашула бошлашди.

Оқтурсун ҳушидан кетаркан, уларнинг ҳайда, машинани тўғри Устюрга, тоққа ҳайда, деганларини элас-элас тушунди. Шу кетища улар машинада икки шишани бўшатишиб, қиз қўлга кирганини ювиб, боши машина тагига урила-урила, жонсарак бўлган, қўйдек юввош қизни тоғ тепасида машинадан суфуриб олишиди.

— Бу сенинг бўлажак эринг, деди ёши каттароги, оғзининг таноби қочиб ишшайган ҳолда, узунчоқ сариқ юзлини қўрсатиб. Онангнинг ўзи рози бўлган, иккалангиз гапни бир жойга қўйсанглар, мана, машина ҳам тайёр, тўй ҳам бошланади, ҳаммаси «окей» бўлади.

Бошқалари нари кетишли-ю, қиз билан йигит холи қолишиди.

— Яқинлашма, — деди Оқтурсун, ўзига қўл чўзган нотаниш йигитга, — сенга тегмайман, ўзимнинг севган йигитим бор.

— Кампир айтгандай, қайсар кўринасан. Сен ягона қиз эмассан. Менга қолса-ю, умуман уйланиш ниятим йўқ эди, яллога нима

етсин, аммо уйда еб-ичиш, кийиниш, топиб-тутиш кампирдан бўлганидан кейин, уйланмай иложим йўқ. Кампир бош, қулликка кимни танлашни ҳам билади, уйга сенга ўхшаган етимча керак экан, хўп, дедик, бизда гап йўқ, дедик.

— Яқинлашма, — деди қиз, — ўлдираман. Сенга теккандан кўра ўлганим афзал, босқинчи! Такасалтант!

— Нима, ҳув, оғзингга қара... Яхшиликни билмадинг, ўзингдан кўр!

Оқтурсун қўрқиб, жон ҳолатда орқасига чекинди-ю, оёги тагидаги тошга қоқилди. Қоқилган тошига эса худди отасини кўргандай паноҳ тутиб суюнди.

— Кет, қароқчи, бу кунимдан ўлганим яхши эди, яқинлашсанг ўзимни ҳам, сени ҳам ўлдираман...

— Ўлдир, гўзалим, ўлдир... Қани, қани, ўлдир-чи, агар сенинг қўлингда ўлсам, ўлганим бўлсин, ўлмасам борми, ҳа... ҳа... ҳа... Онамнинг супургиси бўласан, келишдикми? Мана бошим, қани ўлдирчи, журъатинг етармикан, — йигит бошини эгиб, қизга яқинлашаркан, худди сариқ илонни кўргандай, нафратланган Оқтурсун, жонҳолатда унинг қоқ елкасига қора тош билан тушириди.

Бу куч, номус кучи эди.

Сўнг, Оқтурсун холам ўзини тоғ жарлигидан пастга отади. Аммо улуғ она-ер, гуноҳсиз-гуноҳкор фарзандини тирикликка маҳкум этади.

Кейин суд, қамоқхона... Сариқ кампирнинг адo бўлмас қарғишлиари: Жазонгни худо берсин, ёлғизидан айрилган мендек, баҳтинг қора бўлиб, ўғлимнинг арвоҳлари у дунё-бу дунё сенга тинчлик бермасин...»

Оқтурсун опа чинордек ёлғиз. Ҳаётда арвоҳдек яшаб, фақат менинг опам билангина дардлашади. Йиглайди, кулади, кулади, йиглайди. Қиз номуси оёқ ости бўлган замонни, миллатнинг иллатга айланган урф-одатларини қарғайди.

Мен уларнинг кўп гапларини тушунмасам ҳам, аммо онамнинг мен аниқ тасаввурга эга бўлишим учун куйиб-пишиб таъкидлаган барча фикрларини, худди ўзидек, ёлғон-яшиқсиз оқ қоғозга тушуриб, ёздим...

ҚЎЧҚОРОВА ҲИЛОЛА НОРҚЎЗИЕВНА

1977 йил 8 ноябрда Андижон вилоятининг Избоскан туманида туғилган. Андижон Давлат университети ботаника ва экология кафедрасида ўқитувчи (Фан йўналиши бўйича мукофотга тавсия этилган).

Ҳ. Қўчқорова университетда талабалик даврида ўзининг ниҳоятда иқтидорлилиги ва ўткир зеҳнилиги ҳамда намунали хулқи билан кўпчиликка ўрнак бўлган. Талабалар ўртасида ўтказилган Республика фан олимпиадаларида ва конференцияларида фаол иштирок этиб, доимо совринли ўринларни эгаллаган. Қўчқорова ҳозирги кунда «Чилустун тоғининг флораси ва ўсимликлар қопламаси» мавзусида илмий изланиш олиб бормоқда. 2000 йил 2-4 октябрда Ялта шаҳрида бўлиб ўтган «Гулчилик ва боғдорчилик муаммолари» мавзусидаги илмий-амалий анжумандаги ўзининг «Ёввойи флорасида тарқалган ўсимликларни хона шароитида ўстириш ҳақидаги тавсиялар» мақоласи билан иштирок этган. Унинг «Магнолиофитлар ва уларнинг ҳозирги замон тизими» номли қўлланмаси чоп этилган. Бу қўлланма биология мутахассислиги бўйича таълим олаётган талабаларга, ёш ўқитувчиларга, шунингдек, гулли ўсимликлар билан қизиқувчиларга мўлжалланган. 1997 – 1998 ўкув йилида энг юқори рейтинг баллини тўплаган талаба сифатида «Республика аълочи талаба ва аспирантлар анжумани иштирокчisi» ва «Президент альбоми» совриндори бўлган. Унинг мақолалари ва илмий-амалий конференциялардаги чиқишилари диққатга сазовордир. Кўпгина ишлари доривор ўсимликларга бағишланган. Бунинг халқ хўжалигига ва доришуносликда аҳамияти каттадир.

ЮКСАК ЎСИМЛИКЛАР СИСТЕМАТИКАСИДАН АМАЛИЙ МАШГУЛОТЛАР ЎТКАЗИШГА ДОИР

ҚЎЛЛАНМА

Кириш

Юксак ўсимликлар систематикаси курси Университет тизимидағи бакалавр ихтиосслигининг I босқич (II семестр) ва II босқич (III семестр)ларида ўрганилади.

Олий мактабнинг ҳозирги тараққиёт босқичида фаннинг кейинти даврларида кўлга киритилган янгиликларини ҳисобга олиш, уни имконияти борича бўлажак ўқитувчиларга босқичмабосқич сингдериш муҳим аҳамият касб этади. Мана шу нуқтаи назардан ҳозирги кунда амалда фойдаланилаётган дастурга чувофиқ ўсимликлар дунёсининг таснифи, айниқса, юксак ўсимликлар қисмидা, анча ўзгаришлар мавжуд. Бироқ ўзбек тилида шу янги дастур талабига жавоб бера оладиган талаба, лаборант ва ўқитувчиларга мўлжалланган дарслерни каби қўлланмалар ҳам йўқ. Натижада талабалар фанни ўрганишда қатор қийинчиликларга дуч келадилар, таксономик бирликларни ўзлаштиришда айрим номувофиқликларга йўл қўядилар. Баъзи ҳолатларда ўқитувчилар, айниқса, кафедра лаборантлари маъруза ва амалиёт дарсларида жиҳозлар тайёрлашда янги дастур асосида тузилган қўлланмаларга, методик маслаҳатларга эҳтиёж сезадилар. Бундан ташқари, Республикализнинг университетларида юксак ўсимликлар системасининг курси юзасидан ўтказиладиган лаборатория машғулотларини илмий ва методик жиҳатдан тўғри ташкил қилишда маълум бир умумий талаб асосида иш олиб борилмайди. Натижада, турли университетларнинг талабалари ёки уни битириб чиққан мутахассислар таксономик бирликларни ҳар хил ҳажмда тушунадилар, айрим мутахассислар таксономик бирликларнинг ҳозирги замон ҳажмини ва номини тўла ўзлаштира олмайдилар. Шунинг учун биз мазкур тавсияда юқоридаги баъзи бир томонларни ҳисобга олган ҳолда юксак ўсимликлар системаси юзасидан олиб бориладиган лаборатория машғулотларига оид ўзимизнинг фикр ва тажрибаларимизни баён этамиз. Тавсияда архегониал ўсимликлар ва гулли ўсимликлар (магнолиофитлар) ҳисобга олинган бўлиб, архегониал ўсимликлар учун 13 та лаборатория машғулоти, гулли ўсимлик учун эса 13 та лаборатория машғулотлари ҳамда юксак ўсимликларда насллар галланиши типларини кўргазма машғулотлардан фойдаланган ҳолда ўзлаштириш мўлжалланган.

Ҳар бир машғулот икки қисмдан иборат: биринчи қисмда ўрганиладиган мавзуга оид объектнинг систематик ўрни, лаборатория машғулотини бажариш учун топшириқлар, ишлаш тартиби кўрсатилган. Иккинчи қисмда эса шу машғулотларни ўрганиш учун керак бўладиган ўкув жиҳозлари рўйхати жадвал тарзида ифодаланган. Бунда, айниқса, гулли ўсимликларни ўрганиш давомида республика флораси хусусиятларини ҳисобга олган ҳолда у ёки бу турлардан тирик объектлар тарзида фойдаланиш тавсия этилган.

Булардан ташқари, гулли ўсимликларни ўрганиш учун айрим оила вакилларини тасвирилаш режаси, ўсимликларни аниқлаш усуслари ҳар бир оиласга характеристика бериш кабилар баён этилган.

Маълумки, талабалар юксак ўсимликлар систематикаси курсида ўсимликларнинг онтогенетик ва филогенетик ривожланиш масалаларига оид томонларини яхши ўзлаштира олмайдилар. Ушбу материалларни талабалар осон ўзлаштириши мақсадида, айниқса, лаборатория машғулотларида ўрганиладиган ўсимликлар турли тараққиёт туркумига доир материалларни, кўргазма материалларининг турли формаларидан фойдаланишни ҳамда умумий ботаника курсининг ўқитиладиган айрим мавзуларига алоҳида эътибор бериш кераклигини мақсадга мувофиқ деб билдик.

Маълумки, лаборатория машғулотлари маъруза курси билан узвий боғланган бўлиб, лаборатория машғулотига олдиндан мустақил равишда тайёрланганда адабиётлардан, маъруза конспектларидан ва лаборатория иши дафтаридан (альбом) фойдаланади. Ўқитиш жараёнининг мана шундай тартибда ташкил этилиши ўкув материалини онгли ва мустаҳкам ўзлаштиришга катта ёрдам беради.

Талабаларни ўқитувчи ҳар бир лаборатория машғулоти давомида индивидуал кузатиш орқали (лаборатория иши дафтаридағи ўкув ва режалар асосида) назорат қиласди.

Янги мавзуни ўрганишни ўқитувчи обьектнинг систематик ҳолатини тавсияда кўрсатилганидек бошлаб, сўнгра уни ўрганиш тартибини қисқа тушунтиради, кейин талабалар ишни мустақил равишда бажаришга ўтадилар.

Мазкур қўлланмада юксак ўсимликлар систематикаси (архегониал ўсимликлар) бўйича ўтказиладиган лаборатория машғулотларининг мавзу режалари ва уни ўтказиш тартиби келтирилган. Биз уни тўпламга киритмадик.

**РАҲМОНОВА
НАВБАҲОР
ХАЛИЛОВНА**

1984 йил 30 сентябрда Бухоро вилюятининг Шоғиркон туманида туғилган. Шоғиркон туманидаги 4-мактабнинг 11-синф ўқувчиси (Таълим йўналиши бўйича мукофотга тавсия этилган).

Н. Раҳмонова иқтидорли ўқувчи. У физика, математика фанларини чуқур ўрганмоқда. Инглиз тилини яхши билади, комью-терда яхши ишлайди. Бир неча йиллардан бўён иқтидорли ўқувчилар анжумани иштирокчисидир. 1998 – 1999 ўқув йилида химия фанидан ўтказилган Республика телевизион сиртқи олимпиадасида иштирок этиб, голиб бўлган. У ўқув жараёнидаги юқори кўрсаткичлари, аъло хулқи, маънавий гўзаллиги туфайли туман, вилоят халқ таълими бошқармаси, Ўзбекистон Ҳалқ таълими вазирлиги, “Камолот” жамғармаси, вилоят маданият бошқармасининг фахрий ёрлиқларига сазовор бўлган. У туман, вилоят ва Республика фан олимпиадаларида фаол иштирок этган.

Раҳмонова таълим, адабиёт ва санъат соҳасида фаолият кўрсатади. У «Ўзбекистоннинг қизлари – кўқдаги юлдузлари» кўрик-танловида, VII иқтидорли ўқувчилар Республика анжуманида, Бобур таваллуди ва «Инсон хотираси азиз» каби ижодий кечаларда, «Ўзбекистон – азиз Ватаним» ижодий ишлар танловида, «Навоий ҳамиша барҳаёт» мавзусидаги бадиий кечада, Ўзбек тили ва адабиёти олимпиадаларида, «Нафосат» Республика ёш қаламкашлар ижодий учрашувларида фаол иштирок этиб, фахрий ёрлиқлар билан тақдирланган.

Раҳмонованинг ватанпарварлиги, юқори маданий ва маърифий савиаси унинг ёзган шеърларида, ҳикояларида ўз аксини топган. Яъни,

Сен ўзбек қизисан, буни унутма,
Сенинг момоларинг ҳаёли бўлган.
Елласин тўлдириган қирқта кокили,
Бошида доимо рўмоли бўлган.

Унинг «Орзуларим» шеърий тўплами, «Тонгти ўйлар» ҳикоялар тўплами мавжуд. «Ватаним», «Истиқбол қўшиғи», «Юртбошим», «Элим», «Ўзбек аёли» ва «Ўзбегим» каби шеърларида она-Ватанга муҳаббат, ўз халқига самимиятни ифодалайди. Унинг «Алла», «Ўкинч», «Тилла соат» ва «Нон ҳиди» номли ҳикоялари ҳам диққатга сазовордир. У «Ёш қаламкашлар» тўгараги аъзоси.

Ҳикоялар

УНУТИЛМАС КУН

Ҳа, ўша кун менинг юрагимда ўчмас хотира бўлиб, бир умрга қолса керак. Инсон қизиқ, баъзан тарих зарварақларига ёзишга арзийдиган воқеаларни тезда унутиб юборади-ю, лекин оддий ҳодисалар бир умр қалбига муҳрланиб қолади.

Воқеа бундай бўлган эди. Мактаб эндиғина бошланган кезлар. Пахта йифим-терими авжиди. Биз ҳам дарсдан кейин ота-оналаримизга баҳоли қудрат қарашамиз. Дўстим Акобир билан ким ўзарга пахта терамиз.

Кунларнинг бирида, ўша воқеа содир бўлган кун, биз ҳаммадан кўп пахта тердик. Қайтишда Акобир билан иккаламиз энг орқада қолдик. Чунки бепоён пахтазордан аламли чинқириқ овози эшитиларди. Мен ва Акобир тезда одимлаганча ўша томонга чопдик. Бориб кўрсак трактор олдида Соттивой амаки «вой-вой»лаб ётиби. Чамамда трактор носоз бўлгану, Соттивой амаки рулга ўтиргани билан улоқтириб ташлаган.

Соттивой амаки бизни кўрган заҳоти: «Боринглар, қишлоққа Юлдузнинг онасига хабар беринглар», — деди.

Мен ва Акобир шошиб қолдик. Энди ўйлаб иш қилмасак бўлмас эди. Акобирни Соттивой амакининг олдиларида қолдириб, ўзим қишлоққа, Юлдузларникига бордим. Эшикни тақиллатсам, Юлдузнинг ўзи чиқди. Унга ҳақиқатни айтиб, ойисини сўрадим. Ойиси ҳали ишдан қайтмаган экан.

Энди нима қиласман?! Шу дамда калламга бир фикр келди, уйга чопиб бордиму, докторга қўнгироқ қилдим. Ҳамиширага ўзимизнинг ҳовли манзилини айтиб, кўчада кутиб турадиган бўлдим. Дарров «Тез ёрдам» келди. Уни Соттивой амакининг олдиларида бошладим. Ҳамишира у кишининг аҳволларини кўриб, касалхонага олиб кетди.

Пахта терими ҳам тугаб, дарслар бошланди. Кунларнинг бирида мактабимизга Соттивой амаки келиб, мени чақирдилар. Кечагина касалхонадан чиқсан эканлар. Менга катта торт совға қилиб, мактаб маъмуриятига раҳмат айтдилар. Ҳамма синфдошларим менга ҳавас билан боқардилар.

Бу унтилмас воқеа бир умр қалбимда қолди.

ЎЗИМИЗ ЭККАН ЧИНОРЛАР

Поездга билет олишга аранг улгурдим. Нарсаларимни йиғишириб, хужжатларни таҳлагунча анча вақт ўтди. Мана ҳозир поездга ўтирганча, ўз жонажон қишлоғим қучоғига талпиняпман. Негадир уйқум келмаяпти, балки соғинч ҳиссининг күчлилигидандир. Шу дамда хаёлимни олис-олис хотиралар, болалик чөглари банд этди...

... Ёдимда, биринчи марта мактаб остонасига қадам қўйганим. Ўшанда меҳрибон ойижоним бошдан-оёқ янги кийим кийдириб, мактабга олиб борган эдилар. Мактабда кўлгина дўстлар ортиридим. Аммо буларнинг орасида Илҳом жуда бошқача. Бир кун кўришмасак бир-биримизни соғиниб қолардик. Уй ишларида ҳам, дарсларда ҳам бир-биримизга кўмакдош. Ҳаттоқи, шумликни ҳам бирга амалга оширадик. «Ўтганнинг ўроғини, кетганнинг кетмонини» олиб юрган кезларимиз эди. Мактабдан қайтаётганимизда бир боланинг анҳор бўйида кўчат ўтқазаётганини кўрдик. Шўхлигимиз тутиб, боланинг олдига бориб:

— Нима қиляпсан? — деб сўради Илҳом, гарчи нима иш билан машғуллигини кўриб турган бўлса ҳам.

— Биласизми? — деди бола кўзларини пирпиратиб, мен ҳозир бу ерга кўчат ўтқазягтман, орадан йиллар ўтиб, булар катта дараҳтларга айланади, мана шу жойларга соя-салқин солади, одамларга фойдаси тегади, балки бу ерга чойхона қурилар.

Билмадим, шу дамда мен билан Илҳомга нимадир бўлди, балки ҳалиги боланинг гаплари таъсир қилгандир, икковимизнинг кўнглигимизда ҳам кўчат ўтқазиш иштиёқи туғилди. Бир дам боланинг ишларига тикилиб турдик-да, кўлигизга белкуракни олдик. Бола бизларнинг ниятимизни тушунди шекилли, ҳайронсираганча:

— Яххиси сизлар кўчатни анҳорнинг нариги бетига ўтқазинглар, ниҳолларингиз бошқаларницидан ажралиб турсин.

Биз ишга киришдик. Кўчатларни ўтқазиб, уйга жўнадик. Ҳар куни мактабдан қайтаётганимизда буларга сув қуиб, тагини юмшатамиз...

Йиллар ўтди. Бегубор болалик ортда қолди, биз мактабни тутатиб, олий ўқув юртларига йўл олдик. Мен талаба бўлдим, Илҳом эса йўқ.

Бошида Илҳомсиз қийналдим, бирга ўтказган дамларни кўмсадим, бора-бора кўнникдим.

Шундан кейин шаҳарда қолиб кетдим, ҳар қунги ўйташвиш, ишлар билан бўлиб, қишлоққа ҳам кам борадиган бўлдим. Бундан икки йил олдин Илҳом бир келиб хабар олганди. Ўзимиз ўтқазган кўчатлар катта бўлиб, соя-салқин соганини айтганди.

Ҳозир ҳам қишлоғимни, азиз дўстимни қанчалик соғинганимни юрак-юракдан ҳис этдим.

Шунақа ўйлар гирдобида туни билан мижжа қоқмадим.

Ниҳоят, ўз тугилиб ўсган жойимга етиб келдим. Секин одимлаганча, ҳамма ёқни ҳаяжон билан кўздан кечирдим.

Қишлоғимиз жуда ўзгариб кетган, йўл бўйида савдо расталари, нарёқдагиси кинохона бўлса керак, одам билан тирбанд. Ўзим ўқиган мактабнинг янги биноси эса қад кўтариб турибди.

Биринчи галла мактабга кирдим, ёзги таътил бўлгани учун қоровул Эшмат бободан бошқа ҳеч кимни учратмадим. Анча қариб, ўзини олдириб қўйибди. Эшмат бобо мени кўриб, негадир кўзига ёш олди, ичкарига таклиф қилиб, сұхбатлашдик. Мактаб даврини эсладик, ўша ўзимизнинг шўхлик қилган дамларимизни Эшмат бобо сўзлаб берди. Бир оз вақт ўтгач, Эшмат бободан рухсат олиб, кетишга чоғландим.

Ана, менинг ёшлик дамларимни ўз бағрига олган йўллар, шарқираб оқаётган ўша анҳор, беихтиёр кўзларим дўстим билан ўтқазган кўчатга тушди. Уларнинг танаси йўғонлашиб, бир-бирига туташиб кетган. Шундай ҳолда буларга қанча вақт тикилиб қолганимни билмайман, орқа томондан бир кишининг, — Ҳай, ўзингмисан, — деганини эшишиб, сесканиб кетдим. Ўгирилиб қарасам Илҳом, ҳа, ҳа, ишонинг, менинг дўстим Илҳом. Қучоқ очиб кўришдик. Хурсандлигимиздан тилимиз гапга айланмас эди. Бирпастдан сўнг: «Қани бу ёққа юр-чи», — деб бошлади. Ҳали эътибор бермаган эканман, Илҳом ўша дараҳтлар тагида чойхона барпо этган экан. Унга әргашганча, чойхона томон юрдим. Картда чоллар сұхбат қуриб ўтиришибди. Бир томонда ошпаз дошқозонда овқат пиширяпти... Шу кеча Илҳом билан тонггача сұхбат қурдик. Ўтган ширин дамларни, осуда болаликни ёдга олдик. Қалбда эса шундай истак бор эди: «Яна бола бўлиб қолсам». Аммо бунинг ҳеч ҳам иложи йўқ.

Эртасига мен шаҳарга жўнадим, хайрлашиш чоғларида кўзимдаги ёшни Илҳом кўрмасин, деб яшиromoқчи эдим, қарасам дўстимнинг кўзларида ҳам ёш. Беихтиёр кулиб юбордик-да, бир дам қучоқлашиб айрилдик.

Менинг ҳозир шаҳарга жисмим кетаётгандек эди, кўнглим эса, жонажон қишлоғим, ўзим эккан дараҳтлар ҳамда азиз дўстимда қолганди.

ХАТОСИНИ КЕЧ АНГЛАДИ

Май. Баҳорнинг авжли кунлари. Ўриклар ям-яшил либосга бурканган. Хиёбонларда, кўчаларда атиргуларнинг майнин ҳиди димоғингизга урилади. Қуёшнинг тафти кучайиб: зилол сувларда ўз аксини кўрсатадиган пайт. Ҳозир ҳамма жойда иш қизғин. Далаларда ҳам, боғларда ҳам, ҳаттоқи мактабда ҳам. Битирувчи синф ўқувчилари имтиҳонларга тайёрланиши, қўшимча дарс машгулотларига қатнашишлари керак. Уларнинг олдларида масъулиятли дамлар турибди. Ху ана, Назира билан Ҳилола ариқ бўйидаги йўлни кесиб ўтишяпти. Шу дам аламли инграшни эшитиб, иккови ҳам атрофга аланг-жаланг боқишиди. Уларнинг қаршисида иккита момиққина мушукча гужанак бўлиб ётишарди.

Ҳилола:

— Вой, Назира, қарагин, мушукчалар... Кел, шуларни уйга олиб кетайлик, бечораларнинг ҳеч кими йўққа ўхшайди.

Назира бўлса:

— Э, қўйсанг-чи, булар бизга яна бир ортиқча юқ бўлади, шусиз ҳам ишимиз кўп-ку, деб юзини бурди. Ҳилола яна ялиниб:

— Назира, биттасини олиб кетгин, икковини ҳам ўзим олиб кетардиму, аммо ойимнинг жаҳллари чиқади-да, хўп дегин, дугонажон.

Назира хушлар-хушламас, мушукчалардан бирини олиб, йўлига равона бўлди. Уйга келди-ю, уни улоқтириб юборди. Мушукча оғриқдан «миёв», — деб ингради. Шу дамда укаси келиб қолиб, «опа, бу нима», — деб сўраганда, «сенга совға» деб жавоб қайтарди. Энди мушукчанинг бошига аламли кунлар туша бошлади. Назиранинг безори укаси мушукча бўйнига ип боғлаб тинмай югуртирас, устидан сув тўкиб, ўзича чўмилтирас, ҳар хил ўйинларни ўргатаман деб, кун бўйи тинч қўймас эди.

Ҳилола мушукчасининг эса кун сайин бўйи ўсади. Ҳилола ҳар куни унга сут, пишлоқ берарди. Унга бор меҳрини ҳадя этиб, куну тун атрофида парвона эди.

Бир куни дарсдан қайтаётгандаридан Ҳилола Назирадан «Мушукчанинг аҳволи қандай?» — деб сўраганида, Назира: «Қайдам, юргандир, мен уни укамга берган эдим», — деб қўйди бепарво.

Ҳилола:

— Вой, ўша шумтака укангга-я, ахир у мушукчани ўлдириб қўяди-ку. Юр тезроқ, сизларникига борамиз, мушукчадан хабар олайлик-чи? Назира бу гапни унчалик хушламаса-да, ноилож уйлари томон бошлади.

...Кенг ҳовли. Ҳамма ёқ ўрикзор. Ҳилола билан Назира ҳовлига кириб келишлари биланоқ мушукчага кўзлари тушди. Назиранинг укаси мушукчанинг бўйнига ип осиб олиб, ҳадеб тортар, юришга мажбур қиласарди. Аммо мушукча ҳеч ҳам буни хоҳламас, фақат алам билан «миёв-миёв»ларди. Ўзини тутолмаган Ҳилола югуриб мушукчани олдига борди, қараса мушукчанинг чап оёғи қонталаш бўлиб, юриши қийин эди. Ҳилола мушукчани бўйнидан чаққон ипни ечди-да, уни қўлига олди. Лекин мушукчанинг яшаб кетишига энди умид йўқ эди. У Ҳилоланинг қўлида турганча тинмай «миёв-миёв» қиласарди. Бора-бора бу товуш ҳам сўна бошлади. Шу дамда мушукчанинг кўзларига қараганда кишининг юраги эзиларди. Ҳилола нима қиласини билмай секингина мушукчани ерга қўйди, лекин, мушукча аллақачон ўлиб бўлган эди. Ҳилоланинг кўзларидан ёш қалқиди. Изтироб билан Назирага бир қарадију, индамай уйдан чиқиб кетди. Назира ўша мушукчанинг ўлганидан, дўстининг ташлаб кетганидан таъсирланиб, ўз хатосини тушунди. Лекин энди кеч эди...

ГУЛ, ГУЛЗОР ВА БУЛУТ ҚИССАСИ

Бу ғамгин ва маъюс қиссани менга бувим сўзлаб бергандилар.

Эмишки, қачонлардир шоҳ Табиатнинг гўзалликда тенгсиз, хуснда ягона, одобли қизи бор экан. Бу қизнинг исми Гул экан.

Ана шу соҳибжамол қиз, отасининг хизматкори Булутни севиб қолади. Мард ва жасур Булут ҳам ўз навбатида унга муҳаббат қўйибди. Ҳар тонг қуёш ўз заррин нурларини ёйган вақтида улар тоғ этагида учрашар эканлар. Уларнинг пок ва самимий муҳаббатига ҳамма ҳавас қиласар экан. Гул ва Булутнинг севги тўла дардларини гиёҳлар, күшлар, дараҳтлару зилол сувлар ҳам жимгина тинглашаркан. Кунларнинг бирида Вазирнинг ўғли Гулзор Гул ва Булутни тоғлар орасида кўриб қолади ҳамда уни шоҳ Табиатга сўзлаб беради. Негаки, Гулзорнинг ўзи ҳам анчадан буён шоҳ қизи Гулга ошиқ экан-да...

Булат билан Гулнинг севгисидан хабар топган шоҳ қаттиқ газабланиб, Булатни саройдан ҳайдайди. Негаки, у қизини хизматкор йигит Булатга беришни хоҳламайди.

Шоҳнинг нияти Гулни Вазирнинг ўғли Гулзорга узатмоқ эди.

Буни эшитган икки кўнгил хижрон азобида қийналади. Афсуски, иложлари йўқ. Шоҳ Табиат Гулни Гулзорга беради.

Бечораҳол Булат эса ўз севгилисига етишолмай юм-юм йиглайди. Унинг кўз ёшлари осмондан ёмғир бўлиб Гулнинг юзида шабнам томчиларини ҳосил қиласди.

Айтишларича, ҳали ҳам ошиқ Булат бепоён самода сарсону саргашта кезиб, ҳар баҳорда Гулзорнинг макони сари «ўз Гулимни топарман», – деган мақсадда борармиш. Афсуски, Гул васлига етолмай, зор-зор кўз ёш тўкармиш...

ОЙИМНИНГ СОВФАСИ

Ҳаётда шундай қунлар бўладики, одам одамнинг кўнглига малҳам, юрак дардига мадад бўлади. Айниқса, Ватандан йироқда яшаган инсонларга жуда ҳам қийин, улар хорижий давлатда яшасалар ҳам бир дам Ватанини унумтайдилар. Хурсандчилик куни ҳам, қувончли дақиқалар ҳам татимайди. Менинг ҳаётимда ҳам шундай воқеа рўй берди:

... Ҳозирда мен кўпгина тенгдошларим қатори хорижий давлатда таҳсил оляпман. Бу ерда ҳам дўстларим кўп. Ҳаммаси билан иноқман.

Бироқ ўз юртимдаги дўстларим, қариндошларимнинг меҳри бўлак. Фақат уларни соғинаман.

Яқинда менинг туғилган куним нишонланди. Коля, Анна, Маҳмудлар келишди, улар билан рақсга тушдик, қўшиқ айтдик, лекин нимадир етмас эди. Маҳмуд менинг аҳволимни сезди шекилли:

– Абдували, эсингдами, ёшлиқ дамлар, синфдошлар билан сайрга чиққанимиз.

Мен даврада кулги кўтариш учун:

– Ҳа, ўшанда сени Наргиза анҳорга итарғанмиди? – дедим кулиб.

Бирданига ҳамманинг чеҳраси ёришиб, шодон кулги янгради.

Шу дамда эшик қўнғироғи бирдан жиринглади. Шошиб эшикни очдим, рўпарамда нотаниш киши турарди. У мени кўриб:

– Абдували сиз бўласизми? – деб сўради: Мен тасдиқ ишорасини қилгач, у кишини ичкарига таклиф қилдим.

У иложи йўқлигини айтиб узр сўрагач, қўлимга қофозга ўроғи нарсани тутқазди. «Ойингдан сенга совға», — деганича кетишга ҳозирланди.

Мен у киши билан хайрлашиб, совғани очсам, ўша менинг ёшлигимда, дўстларим билан тушган суратим. Беихтиёр кўзларимга ёш қалқиди, шу дамда она-Ватанимни ҳамда дўстларимни соғинганимни қалбан ҳис этдим, муштипар ойим, ичимдаги дардни билгандек, менга бу совғани юборибдилар. Мен жуда хурсанд бўлдим. Ойимнинг совғаси барчанинг совғасидан азиз бўлди.

ИБРАТ

Ёзги таътил. Қишлоққа бобомларникуга дам олишга бордим. Бобомнинг катта боғлари бор. Унда олма дейсизми, узум дейсизми, хоҳлаган мевангиз бор. Мен ҳар борганимда боққа кириб оламану, ҳар хил меваларни паққос тушираман.

Бу ғал ҳам ўз одатимни тарк этмай аввал боққа кирдим. Боғни томоша қилиб юрсам, ҳар хил қутичаларга кўзим тушди. Ажабланиб дарров бобомнинг олдиларига югурдим.

— Бобожон, ҳалиги боғни этагидаги қутилар нима?

Бобом кулиб туриб:

— Эҳ, болам-а, ахир булар асалариларнинг қутилари-ку, мен сенга ҳали уларни кўрсатаман, — дедилар.

Мени шу пайт қизиқишим ортди.

— Бобожон, юрақолинг, — деб хархаша қилавердим.

Бобомнинг жаҳллари чиқди.


— Кўрмаяпсанми, ахир пичан боғлайпман-ку, ундан кўра, менга озгина ёрдам берсанг-чи? Сен дангасавой қачон одам бўласан.

Мен бобомга хўмрайганча, орқага қайтдим. ... Эртасига бобом мени асалари уяси ёнига бошлаб бордилар-да, «Қарагин, болам, синчковлик билан қарагин», — дедилар.

Олдинига тушунмадим, кейин эътибор берсам, асаларилар қаёққадир юргургани юргурган, нимагадир шошиладилар, умуман мен учун таажжубли ҳодиса эди. Шу дамда мен буларни бобомга қиёсладим. Бобом ҳам, эрта тонгдан туриб олиб, пичан боғлайдилар, молларни далага ҳайдайдилар, ерни чопиқ қиладилар, худди асаларининг ўзи-я. Кечқурун овқат маҳал, мен бобомдан сўрадим.

— Бобожон, нега асаларилар бунча югуриб елади, қачон тин олади булар?

Бобом бўлса:



— Э, болам, бу дунёда ҳеч ким асаларичалик мөхнат қилмайди, — дедилар.

Билмадим, шундан кейин ўзгариб қолдим, ҳар куни тонгда туриб, бобомга ёрдам берадиган бўлдим. Баъзан инсон оддий нарсаларни ҳашаротдан ҳам ўрганиши мумкин экан.

АЛЛА

Дунё яралибдики, инсон боласи ҳамиша куй-қўшиқقا ташна — чунки қўшиқ она алласидан, Ватан эса осто надан бошланади.

Она алласи — чегара билмайди, унга миллат, дин, тил халақит беролмайди. Алла оҳанглари онанинг бутун вужудидан чиқиб, фарзандига бўлган чексиз меҳри шу қўшиқ туфайли намоён бўлади. Шу ўринда бир ривоятни келтиришни жоиз деб биламан:

— Ўтган замонда аҳил бир оила яшар экан. Ота-она ҳамда ширин қизалоқ тинч-тотув ҳаёт кечирарканлар. Кунларнинг бирида уларнинг бошига мусибат тушиб, қизчанинг онаси бу ёруғ оламни тарқ этибди.

Бир оз вақт ўтгач қизчанинг отаси бошқа аёлга уйланибди. Ундан фарзандлар кўрибди. Ўгай онанинг тазиикларига чидолмаган қиз ўз уйини тарқ этибди.

Қизча катта бўлиб, вояга етган чоғида отаси уни топишга муваффақ бўлибди. Бироқ қизча ота-онасига ётсираб қарайди, уйдан чиқиб кетишни ҳамда аввалги жойга қайтишни истайди. Шунда бечора ота ҳеч бўлмаса бир кеча тунаб қолишини ундан илтимос қиласди. Қиз рози бўлади. Ярим кечада онаси уйқудан уйғониб, бешикдаги укасига алла айта бошлайди. Шу пайт қизнинг уйқуси қочиб, аллага қулоқ тутади ва она меҳрини туйиб, ўзини она бағрига отади.

Алла сеҳри орқали улар мурод-мақсадларига етадилар.

Демак, ҳар бир фарзанд она алласидан баҳраманд бўлиб, она ҳаққини бажариб, унинг розилигини олиб, ўз фарзандлик бурчларини адо этишлари шарт. Алла — гўдакни вояга етказувчи, замину замонни тарбияловчи қудратли, мўъжиза-кор қўшиқдир. Илоҳим, ҳеч қайси фарзанд она алласидан бебаҳра қолмасин.

ЎКИНЧ

Бугун эрта тонгда тўргайларнинг сайрашидан уйғониб кетдим. Ҳали қуёш ҳам чиқмаганга ўхшайди. Ўрнимдан турдим-да, анҳор бўйига бориб, қўл-бетимни муздек сувга ювдим, уйқум бирпасда қочиб кетди. Шу вақт мен тонгнинг қанчалик гўзал, қанчалик мусаффолигини кўрдим. Ҳу ана, кўм-кўк далалар уфқ томондан қизғиш тус олмоқда, ҳар ёқдан булбулларнинг ёқимли овозлари эшитилиб туради. Мен тонг оғушида маст бўлиб ўтирасам, товуғимнинг қағ-қағлагани қулогимга чалинди. Секин бориб мўраладим: товуғимнинг қанотлари остида иккита момиққина жўжа кўринди. Севиниб кетдим.

Нонушта пайтида бу воқеани уйдагиларга айтдим. Шунда бувим: «Болам, бу тонгда туришнинг хосияти, агар сен ҳар куни шундай уйғонсанг, ўз баҳтингни топасан», — дедилар.

Мен ҳар куни тонгда туришга аҳд қилдим. Янаги кун ҳам эрта уйғондиму, жўжаларимнинг олдига шошилдим, борсам жўжаларимнинг сони еттитага етибди. Мен шундан кейин ҳам ҳар куни тонгда уйғонадиган, уй ишларига ёрдам берадиган бўлдим.

Кунлар шу зайлда ўтаверди. Бир куни ҳали тонг ҳам ёришмаган пайтда жўжаларимнинг азобли чинқириғидан уйғониб кетдим. Югуриб борсам, катта ола мушук жўжаларга ҳамла қиласарди. Она товуқ эса мушук оёқлари остида жонсарак ётарди. Чамамда, мушук жўжаларга ташланган пайтда она товуқ ўзини мушук панжасига отган. Мени кўриб мушук аллақаёққа қочиб кетди. Рўпарамда эса ўз болалари учун жонини аямаган онанинг кўзларида ҳаёт нишонаси сўниб бораяпти. У шундай алфозда бўлса ҳам, чалажон ҳолда болаларини охирги марта қанотлари остига олдида, «хайр» дегандек аламли инграб, жон узди. Менинг қулоқларимга эса фақат жўжаларнинг ая... ая... а-а-я-я... я дегандек чинқириғи эшитиларди, юрагимни эса бу паноҳсиз жони-ворларни асрай олмаганлигим учун бир ўқинч қийнарди.

РАЖАБОВА ДИЛФУЗА ШАВКАТОВНА

1984 йил 9 февралда Жиззах шаҳрида туғилган. Жиззах Давлат педагогика олийгоҳи қошидаги иқтидорли ўқувчилар лицейининг 11-синф ўқувчиши (Таълим йўналиши бўйича мукофотга тавсия этилган).

Ражабова камтарин, аълочи ўқувчи, у ўзининг намунали хулқи билан кўпчиликка ўrnakdir. У физика, математика фанларини жуда севиб ўқиди, инглиз тилида эркин гапиради.

Инглиз тили марказида америкалик ўқитувчилардан таҳсил олади. Ражабованинг таржималари туман, вилоят ва республика матбуотида чоп этилган. «Сангзор» нашриётида «Шарқнинг сўнмас юлдузлари» китоби ўзбек ва инглиз тилларида чоп этилган. Ҳар йили туман, вилоят ва республика миқёсида ўтказилган фан олимпиадаларида иштирок этиб, совринли ўринларни эгаллаб қелган. Американинг «Аксельс» жамғармаси томонидан ўтказилган билимлар синовининг уч босқичида ҳам муваффақиятли қатнашиб, 1999 ва 2000 йилларда америкалик болалар оромгоҳида дам олиб қайтган. Жиззах вилояти телевидениесида «Hello Jizzak» кўрсатувини олиб боради ва доимий иштирокчисидир.

Ражабова шарқнинг буюк намояндалари Абу Мансур Мотурудий, Имом Бухорий, Бобур, Нодира, шунингдек, Зулфия ҳамда замондошларимиздан А.Ориповларнинг ҳаёти ва ижоди, уларнинг асарларидан парчаларни инглиз тилига ўгириб, нашрга тайёрлаган.

Таржималаридан

АМЕРИКА БАЙРАМЛАРИ ҲАҚИДА

Америка байрамлари ҳар хил бўлади, келиб чиқишига кўра, кўплари диний байрам бўлиб, насорон авлиёларининг туғилганидан тортиб, уларнинг вафот этган кунларигачадир.

Байрамларнинг кўпчилиги Англия, Голландия, Франция ва Германиядан кириб келган ва шу юртнинг қонига сингиб кетган. Америкада байрам бўлса, дам олиш куни деб эълон қилинади. Байрамларнинг рўйхати қуйидагича:

1 январь – янги йил байрами.
Март ёки апрелда – Пасха.
30 май – Хотира куни.
4 июль – мустақиллик куни.
Сентябрнинг биринчи душанбаси – Меҳнат куни.
31 октябрь – Хелло Винг.
11 ноябрь – Ветеранлар куни.
Ноябрнинг охирги пайшанбаси – Худога шукронда куни.
25 декабрь – Рождество.
Шундай қилиб, Америкада юқоридаги байрамлар нишонланади. Шулар жумласига ҳам Президент Линкольннинг, Вашингтоннинг ҳам туғилган кунлари байрам сифатида нишонланади.

ЯНГИ ЙИЛ КУНИ

«Янги йилингиз билан». «Сизни ҳам» деган садолар биринчи январь куни Ер юзининг ҳамма қисмиди янграйди. Янги йил ҳамма инсонларга қувонч олиб келади.

1 январни римликлар Йилнинг биринчи куни сифатида қабул қилганлар ва шундан бўён Европада ва Осиёда янги йил сифатида нишонланади. Америка Қўшма Штатларининг айрим қисмларига янги йил бир соат кейин, тоғлиқ қисмларга икки соат кейин, гарбий қисмларига уч соат кейин кириб келади ва инсонлар уни катта-катта қувончлар билан кутиб олиб, эски йил билан хайрлашадилар.

Уларнинг урф-одати бўйича янги йил куни дўстлар, қариндошлар ва қўшнилар ташриф буоришида ва бу очик уй деб аталади.

1789 йил 1 январда Президент Вашингтон биринчи бўлиб ўз қароргоҳини очган ва бунга ҳамма ташриф буорган.

Рождество ва янги йил байрами бир-бирига яқин келади. 31 декабрь куни Америка одамлари эски йилни кузатиш муносабати билан ўзларининг севимли қўшиқларини айтишади. «Олт Лейн Сайн» қўшиғи шотландиялик шоир Роберт Бёрнс томонидан ёзилган. Инглиз тилида гаплашадиган халқлар бу қўшиқни севиб маромига етказиб куylашади.

Янги йил кириб келиши билан қўнғироқлар жаранглайди. Шу сонияда ўқувчилар яхши ўқишини ният қилишса, отоналар қаттиқроқ ишлашни режалаштиришади.

РОЖДЕСТВО

Рождество 25 декабрь куни Исо Масиҳнинг туғилган куни сифатида, диний байрам сифатида нишонланади. Рождество арафасида кўп черковлар одамларга хизмат қила бошлайди. Ярим кечасидан бошлаб рождествонинг эрталабигача хизмат қилинади. Рождество байрами баъзан оиласи оиласи севимли байрами ҳамdir. Магазинлар, банклар, корхона ва ташкилотлар, мактаб ва коллежлар рождестводан янги йилгача ёпиқ бўлади. Одамлар шу куни уйда қолишга ва ўз қимматли вақтини оиласи даврасида ўтказишга ҳаракат қиласидар.

Шу куни инсонлар бир-бирларига ёки дўстларига карточкалар жўнатадилар. Мактабларда, коллежларда тадбирлар ўтказилади.

Баъзан кичкина болалар ухламасликка ҳаракат қиласиди: ривоятларга қараганда улар Санта Клаус келиб яхши болага катта сумкада бир қанча ўйинчоқлар ташлаб кетади, деб ишонишади.

БОШҚА БАЙРАМЛАР

Америкада ҳам кўп байрамлар нафақат шу заминда, балки дунёнинг турли бурчакларида (Европа, Африка, Лотин Америкасида) ҳам нишонланади.

Январь. Январда асосий байрам – янги йил нишонланади.

Мартин Лютер Кингнинг туғилган куни ойнинг учинчи душанбасида нишонланади. У қора танли аҳолига бошлиқ бўлган ва уларнинг эркинлиги учун қаттиқ курашган.

Февраль. Валентин куни ёки севги байрами (14 февраль). Бу байрам кўп ўқувчилар орасида маълум ва машҳур. Шу кунда ҳамма ўз севганига хоҳлаган совфасини тақдим этади. Қизил атиргул берган кимса ўз ёрини жондан ортиқ севишини англатади.

Шу ойда икки Президентнинг туғилган куни нишонланади. Линкольннинг туғилган куни 12 февралда нишонланса, Жорж Вашингтоннинг туғилган куни 22 февралда нишонланади.

Март. Авлиё Патрик куни – 17 марта байрам сифатида нишонланади, бу байрамни нишонлаш ирландиялик авлиё Патрикка бағишланган. Ушбу кунда инсонлар яшил кўйлак кийишлари шартдир. У киши асли ирландиялик бўлиб, Англияга қувғин қилинган.

Апрель. 1 апрель ҳазил куни сифатида нишонланади. Шу куни инсонлар бир-бирига ҳазил-мутойиба қилишади.

Пасха байрами ҳам диний байрам бўлиб, шу ойда нишонланади.

Май. 1 май ишчилар куни сифатида байрам қилиб нишонланади. У баҳорнинг дастлабки кунларига ҳам тўғри келади, аммо инсонларнинг ўзлари шу кунни байрам тарзида қабул қилганлар.

Июнь. Оталар кунидир. Ушбу кун ойнинг учинчи шанбасида, ҳамма ўзининг отасига, бобосига совға буюриш билан нишонланади.

Июль. 4 июлда Америка халқи ўзининг мустақиллик кунини давлат байрами сифатида нишонлайдилар. Мустақиллик куни Жорж Вашингтон томонидан эълон қилинган.

Сентябрь. Сентябрнинг биринчи душанбаси меҳнат куни сифатида нишонланади.

Октябрь. Шу ойнинг иккинчи душанбаси – Федерал байрам Колумб хотирасига бағишлиданади, лекин шу куни муассаса ва ташкилотлар ишлайдилар.

Хелло Винг ҳам 31 октябрда байрам сифатида нишонланади.

Ноябрь. Ноябрнинг охирги пайшанбаси Худога шукронга айтадиган кун. 1621 йили Англияning бир экипаж кема одамлари Америкага бориб қолиб, оч-наҳор қолиб кетишади. Вақти келиб ўзларига егулик топганларидан кейин ўша куни худога шукронга қилиш куни деб эълон қилиниб, байрам қилинади. Бу байрамни биринчи бўлиб Президент Жорж Вашингтон нишонлашни эълон қилади.

**ИСАНОВА
ЗЕБУНИСО
ХОЛМУРОДОВНА**

1985 йил 4 апрелда Навоий шаҳрида туғилган. Навоий Кончилик институти ҳузуридаги лицей-интернатнинг 11-синф ўқувчиси (Фан йўналиши бўйича мукофотга тавсия этилган).

3. Исанова зийрак, билимга чанқоқ ва жамоатчидир. У нафақат кимё фанининг билимдони, балки шеърият шайдоси ҳамдир. Компьютерни севиб бошқаргани каби шеърлар ва ғазаллар ҳам битади. Унинг публицистик мақолалари «Дўстлик байробги», «Оила ва жамият», «Тонг юлдузи» ва «Маърифат» газеталарида чоп этилмоқда. Унинг «Кимё фанидан олимпиада масалалари» номли қўлланмаси дикқатга сазовордир. Кимё фани бўйича назарий билимларни янада мустаҳкамлаш, кимёвий жараён ва қонуниятларни чуқурроқ ўрганишда кимё фанининг турли бўлимларига оид масалаларни ечишда бу китобнинг аҳамияти каттадир. У 2000 йил май ойида Боку шаҳрида ўтказилган 34-Халқаро Менделеев олимпиадасида қатнашиб, совриндор бўлган ва маҳсус диплом билан тақдирланган. Унинг масала ва тест топшириқлари ушбу олимпиадага тавсия этилган. Ушбу қўлланма мактаб, лицей ва олий ўқув юртига кирувчилар учун зарур қўлланмадир. Унинг «Кимё фани фидойилари» номли рисоласи шунинг учун қимматлики, бу рисолада ўзбек кимёгарларининг кимё фани ривожланишида тутган ўрни мисоллар билан яққол очиб берилган.

Шеърлар

ВАТАН ДЕБ ЯШАЙМИЗ

Юртим, ҳар бир гўшанг бўлгай гулистон,
Буюк келажагинг тонглар каби оқ,
Бўлгай ҳар қарич ер боғ ила бўстон,
Ватан деб аталган – шу азиз тупроқ.

Сенга ҳеч тегмагай ғаним отган тош,
Чун этар фарзандлар кўксини қалқон
Ва асраб-авайлаб ҳар бир қари-ёш,
Ватан деб яшаймиз – бутундир иймон.

Гуллатиб яшнатсак биз шу Ватанни,
Ҳаёт ҳам гўзалдир, дилда йўқ армон.
«Ватан – саждагоҳим» деган ҳар жонни,
Аллоҳ ҳам севгайдир – удир чин инсон.

ВАТАН

Ватан – сен азиссан, мустақил, ҳурсан,
Сенинг буюклигинг – менинг орзуим.
Сен қадим Туронсан – муқаддас нурсан,
Азиз сиймоларинг – менинг мавзуум.

Юртим, мустақиллик тўйинг муборак,
Гуллаб яшнар эзгу ўйинг муборак,
Худойим арасин ёмон қўзлардан,
Яна бир ёш ўсган бўйинг муборак!

* * *

Таним – Ватан меҳридан
Униб ўсган ниҳолдир.
Гар ниҳол сўлар бўлса,
Руҳим она-Ватандир.

Сўнг шу она заминда
Гиёҳ бўлиб унгайман
Ва Ватан тупроғига,
Нур бағишлаб тургайман.

* * *

Ватан саждагоҳидир, Ватан – муқаллас,
Асрамоқ бурчимиз уни ҳар нафас.
Тупроғини айлаб кўзга тўтиё,
Жаннат яратайлик, қилинлар ҳавас.

* * *

Баҳор келмай туриб, чечаклар унмас,
Мард ўғлон меҳридан Ватан обод, бас.
Фарзанд номард эрса, юз қародир, ҳақ,
Эл ҳам айтар уни иблису нокас.

БАХТНИ ҚУЧАМАН

Ой сузмоқда,
Юлдуз чараклар,
Тун қўйнида
Тонгни кутаман.
Тонг отмоқда,
Тун ҳам чекинар,
Юрт қўйнида
Бахтни қучаман...

ЮЛДУЗГА БОҚИБ

Олисдан нур сочган юлдузга боқиб,
Тун бўйи ўйланиб сурман хаёл.
Истиқлол қўшиғин куйида оқиб,
Бахтимдан шодланиб куйлайман, бир ҳол.

Майин эсган шамол соchlарим силар,
Юлдуз ҳам чараклар мен томон боқиб.
Ватанга бор меҳрим ошгандан-ошар,
Боқади ҳуснига маҳлиё осмон.

Аллоҳдан баҳт тилаб она-Юртимга,
Кўнгил истакларим бир-бир айтаман.
Узоқ термулганча ёнган юлдузга,
Руҳимда тетиклик, секин қайтаман...

ҚОР ЁҒМОҚДА

Қор ёғмоқда тонг саҳар чоғи,
Кўнгилларни яиратиб ёғар.
Оқ либосга ўраб ўлкамни,
Келинчакка ўхшатиб қўяр.

Қор ёғмоқда, элимга яна
Насибани ато этмоқда.
Қалбимизни тўлдириб завққа,
Орзуларнинг бўйин чўзмоқда.

Майли, ёғсин қорларинг доим,
Кўнгилларни тўлдирсин шавққа.
Ҳуснин безаб Ўзбекистоним,
Кўз-кўз қиласин шу она Шарққа.

ОНА ШАҲРИМ

Бобом номи ила аталган шаҳрим,
Боқиб жамолингга, очилар баҳрим.
Истиқлол нуридан ўсиб улғайгин,
Навоий шаҳрим сен, гурурим, фахрим.

Навоий орзусин рўёб айлагин,
Тўю байрамингга элни чорлагин,
Менинг бахтимга сен доим порлагин,
Ватаним парчаси – Навоий шаҳрим.

БАҲОР

Баҳор келди сепларин ёзиб,
Янги тушган келинчак мисол.
Унинг илиқ нафасин сезиб,
Үлкам бўлди янада гўзал.

Баҳор келди чечаклар сочиб,
Бахт-иқболдан сўзлашар дўстлар.
Ўйнаб-кулиб, лолалар териб,
Баҳор бўлиб юрмоқда қизлар...

МИРЗАКПАРОВА ХОЛИДА ТҮРАМИРЗАЕВНА

1987 йил 3 сентябрда Наманган вилоятининг Чортотуманида туғилган. Наманган вилояти Янгиқўрғон туманидаги 33-мактабнинг 7-синф ўқувчиси (Санъат йўналиши бўйича мукофотга тавсия этилган).

Холида мактабда фақат аъло баҳоларга ўқийди, тиришқоқ ҳамда намунали хулқи билан ўртоқларидан ажralиб туради. У 3-синфдан бошлаб «Ёш мусаввирлар» тўгарагининг аъзосидир. Жуда кичиклигидан турли хил

расмлар чизади ва ўзи қизиқарли мавзуларни ўйлаб топади. Туман, вилоят ва республикада ўтказилган кўплаб кўрик-танловлар иштирокчиси ва галибидир. Болалар ўргасида халқаро «Ченидзе – 99» кўргазмасининг иштирокчиси бўлган. У «Жонажон Ўзбекистон», «Атрофимиздаги ҳаёт» мавзуларида ўтказилган кўрик-танловларда муваффақиятли иштирок этган. 2000 йилда қўшни ҳамдўстлик мамлакатларидан Қирғизистонда ўтказилган «Ёш рассомлар» кўрик-танловида қатнашиб, маҳсус диплом ва қимматбаҳо совғалар билан тақдирланган. VII ва VIII республика иқтидорли болалар кўрик-танлови иштирокчисидир. Унинг «Онанинг кўз ёшлари тўкилмасин», «Хаёл – Орзу», «Болалик», «Мустақиллик шарофати», «Олма терими», «Бувижоним билан», «Манзара», «Завқий», «Менинг онажоним», «Талаба бўлсан» ва «Куз» каби расмлари диққатга сазовордир. У «Янгиқўрғон ҳаёти» ижодий ўюшмаси аъзосидир. Холида расмлар чизигина қолмай, шеърият шайдоси ҳамдир. Унинг шеърларида она-Ватан ҳамда мустақиллигимиз болаларга хос соддадиллик билан ифода этилган. Нанай қишлоғининг гўзал табиати, ҳамқишлоқлар ҳаёти унинг яратган натюромротлари ва шеърларининг асосий мазмунини ташкил этади. Яна «Аёл қадри», «Ўзбек қизиман», «Муаллим», «Одамзод» каби шеърлари ниҳоятда пишиқ ва пухта ёзилган. Аъло ўқиши, намунали хулқи ва зукколиги, турли конкурс ва кўрик-танловлардаги иштироки учун вилоят халқ таълими бошқармаси ва республика Халқ таълими вазирлигининг фахрий ёрлиқларига сазовор бўлган.

**АСҚАРОВА
ГУЛЖАМОЛ
ШОДМОНОВНА**

1978 йил 5 марта Самарқанд вилюяти Каттақўргон туманида туғилган. Каттақўргон тумани «Ҳилол» газетаси ходими (Адабиёт йўналиши бўйича мукофотга тавсия этилган).

Гулжамол Ўзбекистон Ёзувчилар ўюшмаси аъзоси, «Ҳилол», «Каттақўргон» туман газетаси ходими. У қобилиятли, ўз устида тинмай ишлайди. Зукко, истеъодли қиз, ўқиш билан бирга «Саодат» журналида мусахҳих, «Миллий тикланиш» газетасида мухбир, Ўзбекистон Ёзувчилар ўюшмасида адабий маслаҳатчи бўлиб ишлаган. 1998 йили «Чўлпон» нашриётида «Дил фасли» ва «Умид дарахти» китоблари чоп этилган. Унинг шеърларининг тоғаси мустақил Ўзбекистоннинг истиқтол фояларини, халқимизнинг азалий анъаналарини юксакларга кўтариш ва тараннум этишdir. Гулжамол мактабда ўқиганида ҳам фаол, жамоатчи қиз эди. У туман, вилоят кўрик-танловларида, фан олимпиадаларида фаол иштироки учун фахрий ёрликлар билан мукофотланган. 1996 йил Ўзбекистон республикаси Улугбек номли истеъодли ёшларни кўллаб-қувватлаш жамғармаси Ўзбекистон республикаси мустақиллигининг 5 йиллиги муносабати билан ўтказилган «Ўзбекистон Ватаним, ифтихорим ва шоним, шарафим» танлови ғолиби бўлганлиги учун I-даражали диплом билан тақдирланган.

Шеърлар

АЖДОДЛАР ШЕЪРИ

Болам, менинг кишанларим кўп,
Уларга кўп чалишасан сен.
Ахир қанча уринмай, ёнмай,
Кишанларни узолмадим мен.

Болам, менинг хатоларим кўп,
Улар сени ийқитмасайди.
Мен бор этиб кетган йўқликлар
Сенинг боринг йўқотмасайди.

Мен ҳайқирган минбарларим қўп,
Яар дедим каму қўстингга.
Мен тиклаган минбарлар бугун
Йиқилмаса эди устингга...

Дарёларинг қуригтан ҳам мен,
Осмонларинг асролмаганман.
Бир кун чанқаб ёнингга борсам,
Бир томчи сув тутармикансан?

Болам, мени кечиравмисан,
Тигимдан қон бўлди кўп чаман.
Энг сўнгги бор қўлларим чўзсан,
Қучоғига оларми Ватан?

Қара, қанча хавотирдаман,
Гарчи сени овутмас нолам.
Аммо сени суюсин дея,
Мен... дарахтлар... экканман... болам!

2000 й.

ШЕЪРИМГА

Ҳали минг сарбонлар келадур,
Тусланиб замонлар келадур,
Яхшию ёмонлар келадур,
Шеърим, сен бари бир яшайсан.

Ёзилар минг битта тарихлар,
Кўксимдан қазилар ариқлар.
Битади юракда ёриқлар,
Шеърим, сен бари бир яшайсан!

Минбарлар йиқилар сурилиб,
Янтоқзор йўл бўлар юрилиб,
Гоҳ осмон, гоҳ ерга урилиб,
Шеърим, сен бари бир яшайсан.

Кўксимга санчилар киприклар,
Юракдан тўкилар ўқриклар,
Сочимдан ясалар кўприклар,
Шеърим, сен бари бир яшайсан.

Хазонлар сарғаяр сабримдай,
Илдизим шовуллар жабримдай.
То абад чўқмасдан қабримдай,
Шеърим, сен бари бир яшайсан.

Ҳали кўп савдолар бошингда
Мен руҳлар истадим лошингдан.
Йиглайди онам ҳам қошингда,
Шеърим, сен бари бир яшайсан.

Жигарни маконлар қилгайсан,
Куллардан сultonлар қилгайсан.
Рұхимсан, Исёnlар қилгайсан,
Шеърим, сен бари бир яшайсан.

Кимлардир ўтадур ўтпараст,
Кимлардир шоҳпараст, бутпараст.
Мен фақат шеърпараст, шеърпараст,
Шеърим, сен бари бир яшайсан.

Топтарлар, дорлиқлар берарлар,
Ёмон деб «ёрлик»лар берарлар.
Борлиқлар, хорлиқлар берарлар,
Шеърим, сен бари бир яшайсан.

Вафою хиёнат ўтадур,
Оқибат-диёнат ўтадур,
Ҳаттоти қиёмат ўтадур,
Шеърим, сен бари бир яшайсан.

1993 й.

ПОКЛАНИШ

Хурлигу хўрлик надир?
Эрксиз ҳар онингни юв!
Эрк аталмиш чашмада
Чашми гирёнингни юв!
Бошдин-оёғ тоза бўл!
Гадою хонингни юв.
Ўн саккиз минг оламинг,
Қибланг, тўрт ёнингни юв!
Азал-абад ободмас,
Шабнамда тонгингни юв!

Кўзларинг очмай уйғон!
Оппоқ иймонингни юв!
Сувларни юв сув билан!
Жиссимни жонимда юв!
Шунда ҳам уйғонмасам,
Руҳимни қонимда юв!
Руҳимни қонимда юв!
Руҳимни қонимда юв!

1998 й

ИЛИНЖ

Тупроқлар тингланур дамлар келадур,
Келади кўзларни кечирмоқ фасли.
Совуқ ибтидонинг интиҳосида,
Тугаб бораверар дараҳтлар насли.

Кўшилиб йиглайди ёмғиру тупроқ,
Лойлар пайдо қилас менинг исмимни.
Тупроқлар бағрига олмаса агар,
Дараҳтлар қучоқлаб йиғлар жиссимни.

Минг йилки, зулматлар ичра абасман,
Рўшнолик тўлдирап бир кун абримни.
Менинг юрагимни тингламаганлар
Бир кун тинглайдилар менинг қабримни:

Дўстлар...
Сизни...
Яхши кўрадим...

1998 й.

* * *

Бир ёр топсак эдик жондан кечгулик,
Энг гўзал, энг оппоқ тонгдан кечгулик.
Тўртта томонингни қибла этса ҳам,
«Бор-эй» деб шу тўртта ёндан кечгулик,
Бир ёр топсак эдик жондан кечгулик,

Арзиса кўзингда ўшларинггача,
Сифинса кўксингда тошларинггача;

Кўзларинг минг нафрат ҳадя этса ҳам,
Севолса кипригу қошларинггача,
Бир ёр топсак эдик жондан кечгулик,

Куйдириб, куйиб ҳам кулса ўзингга,
Титрамай, титроқлар солса тизингга.
Ўзидан ўзганинг васлин кўрсатмай,
Иккита пичноқ санчиб кетса кўзингга,
Бир ёр топсак эдик жондан кечгулик,

Бир умр ишқига жонни қоргудек,
Зарра ҳижронни ҳам юрак ёргудек.
«Кел» деса етмишта томиринг узиб,
Хаёлдан олдин ҳам ўзинг боргудек,
Бир ёр топсак эдик жондан кечгулик,
«Бор-эй» деб шу тўртта ёндан кечгулик.

1997 й.

ЭРК

Мендек мўъжизангни қабул эт, дунё.

Г. Тогаева

Дарахтларда гуллайди худо,
Майсаларда кўкаради у.
Ёғилади қўёш нуридан
Ёмғирларда тўкилади у.

Туну кунлар тик тураг дарахт,
Кўк худо деб қўзин ёшлайди.
Бутун борлиқ тангрига сассиз
Ҳамду сано айта бошлайди.

Мўъжизаман десам хўрлама,
Азобим – ишқ, азоб – хўрагим.
Бир кун келар тўлғоқларимдан
Мўъжизалар тугар юрагим.

Ки мен ишқман, худонинг ишқи,
Хар бир ҳарфи менинг исмимда.
Таҳқирлама, ахир худонинг
Нури яшар менинг жисмимда.

Шундан руҳим ҳурланган, учар,
Дил ишқига банди, дарбадар.
Гарчи бу Эрк Аллоҳ бўлолмас,
Лек эркинлик – Аллоҳим қадар.

ОТАМГА МАКТУБ

Мен булутни оқ деб юрибман,
Юрагингиз бунча оқ, ота?
Тошкентида ўйнаб юрибман,
Дунё менга ўйингоҳ, ота.
«Кайфиятинг қандай», дейсизми?
Доимгидек кўнглим чоқ, ота.
Кўзмунчоқлар бермасин онам,
Худо менга кўзмунчоқ, ота.
Дуоларинг асрайди мени,
Кўнглим – мангу яшил боғ, ота.
Ёлғонларга ўргатмагансиз,
Ҳақни излаб дилим доғ, ота.
... Ростин айтиб қўйдим бари бир,
Юрагимда минг ямоқ, ота.
Қайтгим келар қишлоққа буткул,
Бунча оғир яшамоқ, ота?
Артолсайдим этигингизни,
Ер қаттигу кўк йироқ, ота.
Ўпид яшар оёғингизни,
Тупроқ мендан баҳтлироқ, ота.
Қайтгим келар қишлоққа
гоҳи...

1995 й.

ЗОЙИТОВА ШАХЛО НАБИЕВНА

1983 йил Қашқадарё вилоятининг Толлимаржон туманида туғилган. Сирдарё вилояти Мехнатобод тумани халқ таълими бўлнимининг ёшлар билан ишлаш бўйича мутахассиси, I-мактаб ўқитувчиси (Адабиёт йўналиши бўйича мукофотга тавсия этилган).

Шаҳло ёш ижодкор, у туманда ёшлар билан ишлайди. «Дала қўшиғи» номли гўзал шеърий тўпламида она-Ватан мадҳини табиат гўзалликлари ва муҳаббатни ёшларга хос жўш-қинлик билан ифодалайди. Унинг шеърлари «Саодат», «Гулчехралар», «Хуқуқ» газеталарида чоп этилган. Унинг «Ватан», «Далам», «Софиндим», «Бойчечак», «Янги йил», «Мустақиллик» ва «Наврўз келди» шеърлари таъсирли чиққан. У туманда «Ёш қаламкашлар» тўгарагини ташкил қилган.

Мактабларда кўпгина учрашувлар, кўрик-танловлар ва маънавий-маърифий мавзуларда сухбат ва беллашувлар ўтказмоқда. Шаҳло ўзи ёзган шеърларини қўшиқ қилиб куйладиди, жуда ширали овозга эга. У қишлоқда ўсан, пахтазорда чиниққан, мутахассислиги ҳуқуқшунос. Халқ таълимида ёшларга маънавий-маърифий йўналишда таълим-тарбия бермоқда. Шаҳло юрагида борини ёзади, ўқиш, ўрганиш, изланиш билан ўзининг билими ва дунёқарашини бойитиб бормоқда.

Инглиз тилини мукаммал билади. Мактаб ўқувчилари учун ўз ташаббуси билан тил ўрганадиган тўгараклар ташкил қилган.

Шеърлар

ВАТАН

Дала, боғларингни тонгда кезайин,
Тупроғингни ҳидлаб, энтиқиб майин,
Чўлларингни гуллар билан безайин,
Ишқинг қалбимга бир умр жо этайин.

Қайга буюрсанг шунда ҳозир бўлайин,
Тошларни кемириб, сув симирайин,
Сўнгти нафасгача ёвдан асрайнин,
Ишқинг қалбимга бир умр жо этайнин.

УСТОЗ ЗУЛФИЯ ШЕЪРЛАРИНИ ЎҚИБ

Шеърларингиз ўқиб руҳим юксалар,
Ҳаёт мен билмаган сирларин очар.
Қалбим осмони оқ нурга чулғанар.
Ўгит тўла китоб тутган Устозим.

Шеърият бўстони мунча сирга бой,
Қаҳратон қишида ҳам бир гўзал чирой,
Ҳайратимга шерик қўкда тўлин ой?
Ўгит тўла китоб тутган Устозим.

Садоқат мавзуси – қуёш нур сочар:
Қайғу музин мангу эритиб турар,
Қалбингиз аёлга буюк баҳт истар,
Ўгит тўла китоб тутган Устозим.

Орзум ҳар сатрингиз дилга жойлайин:
Шеъриятдир менинг сифинар жойим,
Шогирд деган номни мен ҳам оқлайин.
Ўгит тўла китоб тутган Устозим.

БЕПОЁН ДАЛАМ

Уфқ қуянган, менинг бепоён далам:
Мехр қўйиб суйганга сиринг очасан.
Мадхинг куйлар тинмай қўлдаги қалам,
Баҳор, менга атаб гуллар сочасан.

Айт, бунча меҳрни қайдан олгансан,
Боболарим хоки бўлган тупроғим.
Юрагимга ажиг қувонч солгансан.
Қалбимни ёритган кўҳна чироғим.

СИЗГА ЎХШАСАМ

Онам пахтакор Гулсара Умаровага

Даламни оқ гулга ўрасам,
Юрт корига бир кун ярасам,
Оппоқ тонгни жўшиб куйласам,
Онажоним, сизга ўхшасам.

Илғор ёшлар кўпайсин доим,
Мен ҳам сафда бўлай илойим,
Сиз айтгандек юксак толеим,
Онажоним, сизга ўхшасам.

Меҳнат қилган ҳеч кам бўлмайди:
Тикка боши ҳеч ҳам бўлмайди,
Сирли гул – бу сўз ҳеч сўлмайди,
Онажоним, сизга ўхшасам.

Ишонч, иймон доим дилимда,
Сиздай азиз бўлай элимда,
Шу сўз тақрор доим тилимда:
Онажоним, сизга ўхшасам.

ЮР, ЧИҚАЙЛИК НАВРЎЗ САЙЛИГА!

Товланади алвон лолалар,
Сумалагин сузар момолар,
Кўкда варрак, шодир болалар,
Юр, чиқайлик Наврўз сайлига!

Кўкда қуёш нур-зар сочади,
Қалдирғочлар ўйнаб учади,
Оқ, пушти гул боғни безади,
Юр, чиқайлик Наврўз сайлига!

Деҳқон мағрур, нияти улуғ,
Чўпон учун бу йил қутлуғ,
Ёш-кексанинг илиги тўлик,
Юр, чиқайлик Наврўз сайлига!

Хофиз жўшиб дилдан куйлайди,
Раққоса қиз шўх-шўх ўйнайди,
Эл қувониб баҳтдан сўйлайди,
Юр, чиқайлик Наврўз сайлига!

БАҲОР

Сен келсанг адиরда лолалар сайли,
Сен келсанг далалар бирам чиройли,
Сен келсанг гул териб чарчайин, майли,
Навқирон юртимни суйган баҳорим.

Қошга ўсма қўйиб қизлар яйрайди,
Боғларда қушлар маст, тинмай сайдайди,
Сенга атаб ҳофиз қўшиқ қуйлайди,
Навқирон юртимни суйган баҳорим.

Ҳосилинг мўл бўлсин, бободеҳқоним,
Қўй-қўзинг кўпайиб қувон, чўпоним,
Уфққа тулашсин-еъ гўзал чаманим,
Навқирон юртимни суйган баҳорим.

АЁЛ

Пойингга баҳор гуллар сочади,
Сен учун қўёш нур сандиқ очади,
Сен учун гул-гунча тугун ечади,
Бахт қасрида мангу бахтлисан, Аёл.

Фарзандлар камолин кўриб қувонган,
Юрт келажагига дилдан ишонган,
Юраги яратиш ишқида ёнган,
Бахт қасрида мангу бахтлисан, Аёл.

Садоқат боғида, чаман яратган,
Алла айтиб майнин, тонгни уйғотган,
Дунёга қувончлар сочиб яйратган,
Бахт қасрида мангу бахтлисан, Аёл.

* * *

Оппоқ қўшиқ қуйламоқда тонг,
Гул япроғи ажиб титрайди.

Дўстгинам, тез уйғониб қаранг,
Дала яшил қўшиқ куйлайди.

Текис унган гўзани кўриб,
Деҳқон кўзи чарақлаб кетар.
Қаранг, уфқ ҳам бирам қизариб,
Күёшжон, о, кутлашга шошар.

* * *

Ҳеч қачон оналар тўқмасин кўз ёш,
Булут панасида қолмасин қуёш,
Ҳеч емирилмасин юртда тоғу тош,
Фанимлар бошига нафрат-тош отаман.

Жондан азиз юртим зарра тупроғи,
Оналарнинг фарзанд кўзи қароги,
Ҳар уйнинг ўчмасин ёнган чироғи,
Фанимлар бошига нафрат-тош отаман.

ЁМОН КЎРАМАН

Яхшилик йўлига тошларин отган,
Эзгуликни кўриб тошдайин қотган,
Иймонли юракни аямай сотган,
Қоп-қора баҳилни ёмон кўраман.

Ёлғон гапириш нақ юмуши бўлган,
Иғвога ичию сирти ҳам тўлган,
Тирик юриб ўзи аслида ўлган,
Юзсиз ёлғончини ёмон кўраман.

ДУГОНАЛАРИМГА

Сиз борсиз, яшайди иффат-латофат,
Сиз борсиз, яшайди буюк муҳаббат,
Сиз борсиз, яшайди қалбда диёнат,
Мунча ҳам гўзалсиз, дугоналарим.

Юракка ўт ташлар боқишлиарингиз,
Гўзал чаккага гул тақишлиарингиз,
Кўзни қувонтирас юришлиарингиз,
Мунча ҳам гўзалсиз, дугоналарим.

Дилга ой онангиз берган ўгитлар,
Кўзингизда чақнار нурли умидлар,
Ишқингизда ёнсин ботир йигитлар,
Мунча ҳам гўзалсиз, дугоналарим.

* * *

Ўйларимга сиз шоҳ бўлибсиз,
Юрагимга оҳ, воҳ бўлибсиз,
Қалб сиридан огоҳ бўлибсиз,
Муҳаббатни куйлади юрак.
Сизсиз яшай олмасам керак.

ЁЗ ОҚШОМИ

Дўстим, ёз оқшоми тинглаганмисан,
Сирли шивирлайди терак барглари.
Оҳ, зийраклик билан қараганмисан,
Салқинни симирап гул япроғлари.

Шундай гўзал юртим ёзги оқшоми,
Кўкда тўлин ой нур сочин тараиди.
Ҳайрати беғубор кўзида чақнаб,
Қизча бувисидан эртак тинглайди.

Қурбақа оқшомнинг жўшқин куйчиси,
Сукунатнинг кўкси ёрилиб кетар.
Осмоннинг қасрида юлдузлар базми,
Тунга нур-дур сочиб авжига чиқар.
Шундай гўзал юртим ёзги оқшоми.

* * *

Муҳаббат – қалбаги қувончим,
Топганим, паноҳим, ишончим,
Дунёда тоғдайнин суюнчим,
Муҳаббат!
Муҳаббат – гуллаган баҳорим,
Гоҳида беором озорим,
Дилимга жойланган туморим,
Муҳаббат...

**ХОЛМУРОДОВА
ЗЕБУНИСО
БАҲОДИРЖОНОВНА**

1985 йил 15 январда Сурхондарё вилоятининг Узун туманида туғилган. Сариосиё туманидаги 4-мактабнинг 11-синф ўқувчиси (Адабиёт йўналиши бўйича мукофотга тавсия этилган).

Зебунисо мактабда аъло баҳоларга ўқийди. Айниқса, она тили ва адабиёти, тарих фанларини астойдил севади, республика ва вилоят олимпиадаларида 1998 йилда иккинчи ва 1999 йилда учинчи ўринларни эгаллаган. Айни пайтда шеър ва мақолалар ёзиб туради. Унинг шеър ва мақолалари вилоят, туман газеталарида чоп этилмоқда. Унинг «Ҳумо парвози» номли китоби нашрдан чиққан. Унинг ижодкорлиги, айниқса, «Огоҳлик – муқаддас бурч» мавзусида ўтказилган иншолар кўрик-танловида намоён бўлиб, юқори ўринни эгаллаган ва фахрий ёрлиққа сазовор бўлган.

Бундан ташқари, 1997–1998 йилларда тарих фанидан ўтказилган Республика олимпиадасида фахрли 2-ўринни эгаллаган. Тўғаракларнинг фаол иштирокчиси, бўш вақтларида тикувчилик ва гуллар парвариши билан шугууланди, мактабда «Ёш биолог» тўғараги аъзосидир. Сариосиё туманига бостириб кирган бир гурӯҳ ватангдоларга қаҳри-ғазаби ошган Зебунисо шеър ва иншолар ёзиб, вилоят ёшлирига мурожаат қилган. Вилоят ёшлирига чақириқ билан чиқиб, ҳар бир ёшнинг ўз она-Ватанини севишга, душманлардан огоҳ бўлишга унади.

Зебунисонинг шеърларида Ватан ишқи, дўстлик, меҳрмурувват, ёшлик ва тинчлик каби мавзулар ўрин олган. У нафақат шеърият шайдоси, жуда чиройли кашталарни чизиб, ўз қўли билан тикади. 1999–2000 йилларда вилоятда ўтказилган «Балли, қизлар» кўрик-танловининг совриндоридир.

Шеърлар

ЎЗБЕК ХОНАДОНИ

Ўзбекликнинг зебу зийнати,
Пазандалик унинг санъати.
Ширин таом ила сийладим,
Қўй чой дамлаш қиз фазилати.
Ўзбек уйин бекларига хос –
Меҳмон кутиш уларгадир мос.
Аёлларин доим эъзозлаб,
Мезбонликни қилас жуда соз.

ГУЛЛАР БЕКАСИ

Мен гулзорим бекасиман,
Юрагим – гул шайдоси.
Очил, гулим, гулзор аро,
Зебо шеърин давоси.
Юрагимни сенга очай –
Бошларингни эгмагил.
Меҳнатимни меваси сан –
Дардим ошкор қилмагил.

РАҚИБЛАР

Ёмонликдан сўрадилар:
– Мақсадинг не дунёда?
– Яхшиликни заҳарласам:
Отлиқ бўлса пиёда!
Яхшиликдан сўрадилар:
– Мақсадинг не дунёда?
– Одамларга хизмат қилсам,
Умр бўлса зиёда!
Ёмонликдан сўрадилар:
– Юмушинг не жаҳонда?
– Юраларга қўркув солай,
Жанг бўлса тўрт томонда.
Яхшиликдан сўрадилар:
– Юмушинг не жаҳонда?
– Ер юзини гулга кўмай,
Тинчлик бўлсин маконда!

ТҮРТЛИКЛАР

* * *

Ҳуснимдан ёлғонлар сўзламасин деб,
Сурмалар қўймадим қошу кўзимга.
Мендан комилликни талаб қилган шахс –
Нега ишонмайсан кўнгил сўзимга?

* * *

Митти санаганим шўх капалакнинг
Ҳуснига энтикиб қиласман ҳавас.
Энг буюк деганим инсоннинг қалби –
Нега ҳар доим ҳам чиройли эмас?

* * *

Хунари бор зор бўлмас,
Хунарсизда ор бўлмас.
Хунарли қиз ҳар жойда,
Элу юртда хор бўлмас.

**ТУРГУНБОЕВА
ГУЛНОЗА
ТОШТЕМИРОВНА**

1983 йил 14 ноябрда Тошкент вилоятининг Паркент туманида туғилган. Тумандаги 12-ўрта мактабнинг 11-синф ўқувчиси (Адабиёт йўналиши бўйича мукофотга тавсия этилган).

Гулноза мактабда аълочи ва жамоатчи, зукко қиз. Айниқса, адабиёт ва математика фанларига қизиқиши катта, 1999–2000 йилларда туман, вилоят ва Республика фан олимпиадаларида қатнашиб, юқори ўринларни эгаллаган.

Фахрий ёрлик ва қимматбаҳо совғалар билан тақдирланган. 1999 йил вилоятда «Ўзбекистон Ватаним маним» кўшиқ танловида совринли ўринни эгаллаган. Шеъриятга ихлоси баланд, унинг шеърлари ва кичик ҳикоялари «Паркент тонги», «Тошкент ҳақиқати», «Оила ва жамият» газеталари ва «Гулхан» журналларида босилмоқда. Унинг «Тилак» шеърлар тўплами нашрдан чиқкан. У «Азизсан, Ватан», «Келинчак Наврўз», «Она юртим», «Ёшлиқ», «Тилак» ва «Онаизор» каби шеърларида соф болалик туйгуларини акс эттиради ва беғубор оламга ҳайрат кўзи билан қарайди. Гулноза тоғ қизи. Фикрлари тоза, шеърлари самимият билан йўғрилган ва шеърларида хурлик оҳанглари янграйди. У «Ёш қаламкашлар» тўгараги аъзосидир.

Унинг «Қайтинг дегим келадию» каби ҳикоялари ёшлар учун ўрнак бўладиган даражада ёзилган.

Шеърлар

АЗИЗСАН, ВАТАН

Осмонўпар баланд тоғларинг гўзал,
Булбулларга макон боғларинг гўзал.
Таърифга ожиздир ҳар қанча ғазал,
Ватан, Она каби азизсан, Ватан.

Гулларга кўмилган ҳатто чўлларинг,
Нурларга чўмилган олис йўлларинг.

Мехрибон, мулойим, момиқ қўлларинг,
Ватан, Она каби азизсан, Ватан.

Қадрингга етгандан қадр топдим мен,
Ўтмишингни ўқиб, сабр топдим мен,
Ўзга оламларга эшик ёпдим мен,
Ватан, Она каби азизсан, Ватан.

КЕЛИНЧАК НАВРЎЗ

Бойчечак айтиб келди келарингни,
Саболар куйлаб елди келарингни,
Билсанг эди дилларга керагингни,
Хуш кўрдик дийдоринг, келинчак Наврўз.

Шўх-шўх қўшиғингни куйлаб боғлар,
Рақсга тушиб кетар жажжи япроғлар.
Сўлимлик кафтида гўзал қишлоқлар,
Хуш кўрдик дийдоринг, келинчак Наврўз.

Эл сени сумалак билан сийлайди,
Табиат мадҳингга қўшиқ куйлайди.
Гулноза гулларинг суйиб қўймайди,
Хуш кўрдик дийдоринг, келинчак Наврўз.

ИККИЮЗЛАМАЧИ

Халқим деру ҳалқумни ўйлар,
Иймон деру қуфрни кўзлар.
Ҳақни сенлаб, зулмни сизлар,
Асли, насли номаълум кимса.

Сиёсатдан сўз кетса агар,
Сўз теради у мисли заргар.
Сўзлайвериб жонингга тегар
Асли, насли номаълум кимса.

Бирор юмуш бошлаган чогда
Лоқайдлиги элтар заволга.
Кетганда ҳам номаълум кетар,
Асли, насли номаълум кимса.

ОНАИЗОР

Икки сўзин бирида
Онаизорим,
Такрорлайди, қизгинам,
Сеники борим.

Бу каби бағриқенглик,
Яна кимга хос?
Қиёсласам тополмам,
Онамга қиёс.

Сўз тополмай бошимни,
Соламан қуии...
Онам ҳолим сезгандек,
Юпатар суйиб.

БОЛАНГ АСРА

Дилни кенг тут, жо қилолгин дилингга,
Шум дунёнинг барча зору ҳасратин.
Номинг тушмас ота-онанг тилидан,
Боланг асра, сени худо арасин.

Жовдиратма жайрон кўзли ёрингни,
У оҳори сени номус орингни.
Зар топмасанг, тўк бошидан борингни,
Боланг асра, сени худо арасин.

Тирик туриб тонсанг зурриётингдан,
Одам тугул ит эргашмас орtingдан.
Гулноз сўзин чиқармагин ёдингдан,
Боланг асра, сени худо арасин.

ТҮХЛИЕВА НАРГИЗА БОҚИЖОННОВНА

1984 йил 19 майда Тошкент шаҳар Мирзо Улуғбек туманида туғилган. Тошкентдаги А. Навоий номидаги Нафис санъат лицейининг 11-синф ўқувчиси (Маданият йўналиши бўйича мукофотга тавсия этилган).

Тўхлиева ўқиши давомида тенгдошлари орасида билимдонлиги, ижодий фикрлаши билан ажralиб туради. У серқирра ижод соҳибаси,

«Мовароуннаҳр» ижодкорлар уюшмаси аъзосидир. Наргиза адабий кечалар, конференциялар ва мушоираларнинг ташкилотчиси ҳамда фаол иштирокчиси. У сценарийлар ҳам ёzádi. Унинг сценарийлари туман, шаҳар ва республикада мактаб, коллеж ва олий ўқув юртларида фойдаланилиб келинмоқда. Унинг ватан ҳимоячиларига бағишлаб ёзилган сценарийси, «Биз Президент фарзандларимиз» шоу-дастури, «Тил байрами» ҳамда «Кувноқлар ва зукколар», «Сўнгги қўнғироқ», «Ҳеч кимга бермаймиз сени; Ӯзбекистон» каби сценарийлари асосида кўплаб тадбирлар ўтказилган. Шунингдек, «Ёдномалар мозийдан сўзлар», «Юсуф хос Ҳожиб ҳикматлари», «Сўзи боқий – ўзи боқий маликалар» номли диққатга сазовор илмий мақолалар муаллифи. Унинг шарқнинг буюк мутафаккири Жалолиддин Румийнинг машҳур «Маснавий маънавий»сини яқинда ўзбек тилида чоп этилган нашри ҳақидаги «Най навоси» деб аталган жажигина тадқиқоти ўзига хослиги билан диққатга сазовордир. «Сайфи Саройининг «Сухайл ва Гулдурсун» достонида гўзаллик ва эзгу инсоний фазилатлар тараннуми» номли мақолоси ўқувчилар орасида яхши таассурот қолдирди ва бир неча газеталарда чоп этилди. «Зулфияхоним қизлари» сценарийсидан эса тумандаги барча мактабларда фойдаланилиб келинди. Унинг Республика матбуоти саҳифаларида «Аёл – она», «Куз», «Оламга гўзаллик баҳш этилгандир» бадиий ўйлари ва қатралари, «Галирадиган фасллар» ҳикояси чоп этилган. Унинг илмий-ижодий ишлари жамоатчилик ишлари билан ҳамоҳангдир. Ҳозирда А. Навоий номидаги Республика Давлат кутубхонасининг «Ўсмиirlар» бўлимида «Ёш фаол китобхонлар» тўғрагини бошқармоқда. Ёш китобхонлар ўртасида ўзи ёзган сценарийлар асосида қизиқарли тадбирлар уоштироқда.

БОЛАЛИГИМ – ПОДШОЛИГИМ

Ҳақиқатдан ҳам менинг болалигимни подшоликка тенглаштирса бўлади. Майли, подшоликка эмасу, маликаликка тенглаштира қолай.

Бўлганда ҳам жуда инжиқ маликага. Бўлмаса-чи, айтганим айтган, деганим деган эди. Хуллас, уйда мен қилмаган “ишкал” иш қолмаган эди. Ҳатто шу даражага етдики. оймининг бузилмаган тўғноғичи, дадамнинг ёзилмаган қофози қолмади. Умуман, менинг подшолигим гуллаб яшнарди. Мен эса бу подшоликдаги «тўзал», «одобли» ва «ақлли» малика эдим. Ҳар бир давлатнинг ўзига яраша қонунлари, қоидалари мавжуд. Албатта, бундан менинг давлатим ҳам мустасно эмас эди. Масалан:

- Богчага ҳар куни дўкон тарафдан борилиши шарт.
- Ҳар куни боғчадан чиқаётуб музқаймоқ ейишим зарур.
- Мультфильм бўлаётганда телевизорни бошқа каналга олиш қатъиян тақиқланади.
- Пиёлага қанча шакар солинишидан қатъи назар, қаршилик кўрсатилмайди.
- Бу қонунлар подшоликка заар етказадиган тарзда талқин этилиши қатъиян ман этилади.

Мен ўз мамлакатимда шундай сиёsat юргизар эдимки, ҳатто бир неча мамлакатларни мустамлака қилиб олган эдим. Масалан, булар дадамнинг подшолиги ва ойимнинг подшолиги. Улар менинг мустамлакаларим бўлганидан кейин менга бўйсунишлари шарт. Табийки, шундай экан, бу подшоликлардан менга жуда кўп совфа-саломлар юборилар эди. Бу совғаларнинг энг' қимматлиси эса музқаймоқ эди. Умуман олганда-ку, подшолигим гуллаб яшнаётган эдикя, лекин у аста-секин инқизогза юз тута бошлади. Бунга менга қарши уруш эълон қилган синглимнинг подшолиги сабаб бўлди. Мен бу жангда енгилдим. Энди менинг ўрнимда синглим ўтирас эди. Мен рад жавобини бериб, маликани ранжитиб қўйишим мумкин эди. Шунинг учун ҳам бу лавозимга рози бўлдим. Лекин вазирлик ҳам ёмон эмас эди. Ҳар қалай вазир деган номинг бор, шунга яраша ҳурматинг бўлади-да.

Ҳа, мен тақдиримдан бехабар, вазирман деб ялло қилиб юраверибман. Буни қарангки, менга вазирлик ҳам насиб қилмаган экан. Чунки шоҳимизнинг ўзи ўрниларидан қулаб, ўрнимга вазир бўлиб олибди. Мен бечора энди нима қиласай.

Охири ўйлаб-ўйлаб оддий бир қаландар бўлишни лозим топдим.

Ҳа, подшоликдан вазирликка, вазирликдан қаландарликка тушиш қувончли воқеа эмас, албатта. Эҳ-ҳе, оддий бир қаландарлик қаерда-ю, подшолик қаерда. Ахир қаландарлик шоҳлик эмас. Мана шуларни ўйласам негадир ўзимга-ўзим ишонмайман. Наҳотки подшолигим тугади. Наҳотки энди у ҳеч қайтмаса.

БАҲОР АЙЁМИ

Фаройиб исм таъсирида бош кўтарган исмалоқ ва қизини ҳам эргаштириб очилаётган қизгалдоқдан сал олдинроқ баҳорни кутиб олган чучоманинг чучук тиллари оламга жар соляпти. Баҳор келди! Баҳор келди!

У дилларга ўзга шодлик, ўзга қувонч олиб келди. У қирларга лоланинг шойи илларидан гул солиб, ажиб мато тўқиб келган. Ана, уйим шифтиминг бекаси қалдирғоч ҳам қайтиб келди. Қанотида олтин бўзулар билан келибди. Демак, бугун муборак кун, ажиб байрам. Баҳор айёми.

Ана қаранг, заминнинг эрка чечаги, жажжи невараси бойчечак унинг қучогида эркаланибгина ўтирибди. Бинафша ҳам бағри салкам музга айланәтган, қор билан қопланган ерни ёриб чиқиб, тухумдан чиққан полапондек аввалига ажабланиб атрофга боқади. Сўнгра Баҳоройим уни меҳр ила йўғрилган қўллари билан бошини силайли. Бундан куч олган бинафша яна ғайрат билан қор деб аталмиш қафасни ёриб чиқа бошлади. Ёриб чиқди-ю, Баҳоройимга кўзларини пирпиратиб салом берди. Баҳор ақллигина жиянchasига меҳр ила тўла кўзлари билан боқиб бор бўл, яша, сенинг вазифанг одамларнинг қалбига гўзаллик улашиш, дея унга оқ фотиҳа берди. Демак, энди одамларнинг қалби гўзаллик ва эзгуликка йўғрилажак. Шу боис бу кун ҳам муборак кун, ажиб байрам, баҳор айёми.

Худди шу тариқа унинг ҳар бир куни мўъжизаларга йўғрилган, янгиликларга чўмган ҳолда ўтади. Баҳорнинг ҳар бир куни байрам бўлади. Илоҳим доим шундай бўлиб қолсин. У сизнинг дилингиздаги губорларни қувиб юбориб, дунёning барча севинчини унга жойласин ва ўз айёмини пок диллар; эзгу ниятлар билан қарши олсин.

АЁЛ-ОНА

Аёл, сен меҳрибон она, уй бекаси, севимли ёрсан, лекин ҳаммасидан ҳам биз сенинг оналигингни хурмат қиласиз ва қадрлаб «Она» деб атایмиз. Чунки сен ўз жигарбандинг-фарзандингга кундузи чароғон офтоб, тунлари меҳрибон оймомо бўлиб, дилбандинг боши узра меҳринг нурларини таратасан. Она, мен сени офтоб деб атадим. Йўқ, бу асло муболага эмас. Зеро, сен офтобнинг илиқ нурларини қалбингта жо этиб, уни меҳрингнинг мурувватли нурларига айлантириб, қуёш янглиғ фарзандингга таратасан. Сени тундаги меҳрибон оймомо деб атаганим бежиз эмас. Негаки қоронғу кечаларда ёруғлик маъбудаси бўлиб фарзандинг қошида парвона бўласан. Уни меҳринг беланчагига солиб алла айтасан:

Алла айтай, жоним болам,
Қулоқ солгин, алла.
Ширин аллам тинглаб аста
Ором олгин, алла.

Истиқболинг порлоқ сенинг,
Жажжигинам, алла.
Бахтимга сен катта бўлгин,
Кўрар кўзим, алла-ё.

Алла – сехрли куй. Она, балки сенинг орзу-ҳавасга лиммолим қалбингдан сизиб чиқаётган қўшиқдир у. Билмадим, лекин бу қўшиқда тонгги сабо соғлиги, марварид шудринглар оғушидаги фунча гўзалиги, дengизнинг оҳиста мавжланиши, табиат тумори бўлмиш қуёшнинг ҳароратли нурлари ва осмонларча меҳр-муҳаббат бор. Мана шу ажиб қўшиқ оғушида фарзандинг ором олади. Сен эса тун қўйнида худди гул япроқларини оҳиста тебратадай, дилбандинг бешигини тебратасан. Шундай меҳр-муҳаббат, ихлос билан тебратиб алла айтасанки, ҳатто уйқу парилари ҳам сени ўзларига маҳлиё қилолмайдилар.

Сен алла айтасан меҳрингни қўшиб,
Шу алла меҳри-ла улғаяр боланг.
Сен алла айтасан ҳаётдай жўшиб,
Шу алла учун ҳам қарздордир боланг.

Она, сен фарзандингни ана шундай сеҳрли аллалар, поёнсиз орзулар билан улғайтирасан. Эсингдами, фарзандингнинг биринчи қилиқлари, аста-секин қадам босиб юрганлари, тили эндинга чиққан чоғдаги ширин-ширин сўзлари. Ўшанда сен оёғинг тагида ўралашиб юрган, ширин тиллари билан «Ая», «Ая» дея ўзингга талпинаётган жажжигина мўъжизани бағрингга босиб севингандинг. Ҳа, буларнинг бари, шубҳасиз эсингда. Чунки ўша пайтларда сендан баҳтли одам йўқ эди, рўпарангдаги мана шу жажжи мўъжиза сенга олам-олам шодлик ҳадя этарди. Мехрли кўзларинг қувончдан порлаган эди. Қалбингда эса фарзандинг камоли, унинг келажагига ишонч туйғуси жўш урап эди. Сен уни баркамол инсон, ватанига содиқ фарзанд, инсониятнинг буюк давомчиси бўлишини истардинг. Илоҳим, барча истакларинг, ниятларинг рўёбга чиқсин.

ГЎЗАЛЛИК ВА ЭЗГУЛИК ТАРАННУМИ

Мана, биз яна бир бора достонларнинг гўзал, инсон қалбини ром эта оладиган гулшанига саёҳат қилдик. Бу гулшанинг “Лайли ва Мажнун”, “Фарҳод ва Ширин” каби ажойиб гуллари бор. Худди ана шундай гуллардан бири «Суҳайл ва Гулдурсун» достонидир.

«Суҳайл ва Гулдурсун» достонини ўқиган одам оламни бир қадар ёддан чиқаради, негаки достон гўзаллик билан йўғрилган, эзгу инсоний фазилатлар нури билан ёритилган, мунааввар этилган. Худди ана шу гўзаллик, ана шу нур инсонни ўзига маҳлиё этади, унинг қалбини гўзалликка чорлайди, эзгуликка етаклайди. Лекин достонда бу гўзаллик хунукликдан бошланади. Негаки хунукликни кўрмаган, билмаган инсон ҳеч қачон гўзалликни ҳис қилмайди, унинг қадрига етмайди. Худди мана шу гўзалликни қадрлашга, уни ҳис қилишга ўргатадиган хунуклик достонда Суҳайлнинг занжирбанд этилишида ўз аксини топади.

Нега бу ҳолни хунуклик дея атаяпмиз? Ахир, бу ҳолатни биз хунукликдан бошқа нарса дея олмаймиз. Негаки ҳам ҳусни, ҳам қалби гўзал Суҳайлни бешафқат, қора занжир билан ўраб ташлашган. Бу аҳволга ҳатто қушлар-у ўсимликлар, умуман, бутун табиат ачинади, Суҳайлга далда бўлишга ҳаракат қиласи. Лекин ана ўша атрофдаги одамлар қалбida гўзалликни, умуман, инсонийликни қадрлаш туйғуси бўлмайди. Агар бўлганда Суҳайлни шундай аҳволга солишармиди? Йўқ, албатта. Чунки қалби, орзу-умидлари

гўзал одамнинг ҳеч қачон нияти ёмон бўлмайди. Унинг ниятлари ҳам ўзи каби гўзал, соф бўлади. Суҳайл ҳам ана шундай кўнгли пок, ниятлари соф эди. Агар шундай бўлмаса, балки у тушида Гулдурсундай гўзал гулни ҳам уялтирадиган бир паримисол ҳурлиқони кўрармиди? Йўқ.

Тасаввур қилинг, ўй-хаёли даҳшатли, қабиҳ ниятларини амалга ошириш бўлган одам тушларида боғларда саир қилиб юрса. Йўқ, у ҳеч қачон боғда саир қилмайди, балки, қоронғу, зим-зимистон жойларда яшириниб юради. Ҳа, Суҳайл ҳам ташқи, ҳам ички тарафдан гўзал эди ва мана шу гўзаллик уни Гулдурсун билан бирлаштиради. Улар бир-бирига меҳр кўйишиди. Бу меҳр иплари эса жуда мустаҳкам ва бақувват эди. Балки мана шу иплар ёрдам бергандир Гулдурсунга, унга кувват бергандир ёрини қутқаришга. Балки Суҳайлни ҳам мардликка, ёри учун қурбон бўлишга унданаган ҳам ана шу иплардир. Ҳа, ўзгача бўлиши мумкин эмас, негаки, юқорида айтиб ўтганимиздек, Суҳайл ҳам жисман, ҳам маънан гўзал эди. У гўзалликка интилар, уни қадрлар эди. У ана шу гўзалликни ёри тимсолида топган эди. Гулдурсун саҳрода сувсизликдан кўз юмгач, у топган гўзаллигидан айрилиб қолади. Энди ҳаёт ортиқча, чунки Суҳайлдек гўзал, пок одам гўзалликсиз яшаёлмас эди.

Менимча, «Суҳайл ва Гулдурсун» оддий достонлардан эмас. Ушбу достон гўзалликка етаклайди, гўзал бўлишга чорлайди. Гўзал одам эса ўзида эзгу, инсоний фазилатларни мужассамлаштирган инсондир. Бундай қалбан гўзал одамлардан эса ҳеч қачон ёмонлик кутиб бўлмайди. Достоннинг эътиборли томони ҳам ана шунда бўлса керак.

КУЗ

Ўтириб-ўтириб ўйланасан киши. Фасллар, дарахтлар, гуллар, осмон, қуёш, юлдузлар, ой, умуман, табиат гапиравмикан-а? Албатта, гапиради. Йўқ, бунинг учун хаёл отига минишнинг кераги йўқ, фақат қалдан сеза билиш лозим. Қизиқ-да, табиат ва унинг фарзандларига нима ёқишини билиш. Мен табиатдан сўраб кўрмоқчи бўлдим ва унинг фасллар ҳақидаги ажойиб ҳикоясини эшийтдим.

Киши, баҳор, ёз, куз деб аталмиш кўйлакларим бор, дея сўз бошлади табиат. Ҳар бир либосим қандайдир бошқача, бир-бирига ўхшамайди. Ҳар бирининг ўзига яраша чиройи, зебзийнатлари, нақшлари бор. Айниқса, куз бошқача. Олтинранг матога қут-барака, пишиқчилик ипларида кашталар тикилган,

уларнинг орасида эса тарвуз, қовун сингари хилма-хил қимматбаҳо жавоҳирлар қадалган. Шамол эса қўйлак устидаги ҳарир мато. Булат бу матога ўралган қундуз ёқадир. Қундузниң орасига дурлар қадалган, лекин бу дурлар мустаҳкам қадалмаган шекилли, тез-тез узилиб кетади ва ер билан битта бўлади. Бу ажойиб қўйлагим билан бирга мен доим тақиб юрадиган қуёш деб аталмиш олмос туморим бор. Бу туморнинг шундай сехрли кучи борки, у борлиққа ўз нурини сочиб ёритади, иситади, унинг тафти билан ўсимликлар барқ уради. Лекин куз қўйлагимни кийганимда унинг қундуз ёқаси бу туморни тўсиб қолади-да, шунинг учун ҳам у баъзан-баъзан қўринади, холос. Яна бу қўйлагим...

Эҳ-ҳа, табиатнинг бу қўйлаги ҳақидаги ҳикоя ҳали анча давом этади, шекилли. Зоро, табиат ҳар доим бир либосда юрмайди, уларни алмаштириб туради. Табиат айтган ҳикоянинг давомини ҳам эшитардим-у, лекин мана шу сўзларнинг ўзиёқ қалбимда ёқимли илиқлик уйғотади. Табиатнинг қўйлагига ҳавасим келади. Қани энди мен ҳам ана шундай гўзал, барча учун қадрли бўлсам. Негадир кузни осмонларга мақтагим келди. Унга шеърлар, қўшиқлар тақдим этгим келди. Афсус, сўзга нўноқроқман.

Шунинг учун ҳам:

«Куз. Ҳарир либосинг бунча ярашган,
Товланасан гоҳи олтинранг бўлиб,
Гўёки заминни сен яшнатасан,
Жилога лиқ олтин қўйлагинг кийиб», —

дека олдим, холос.

ТЕШАБОЕВА МУҲАЙЁ ЖЎРАБОЕВНА

1985 йил 6 апрелда Фарғона вилоятининг Риштон туманида туғилган. Фарғона вилояти Риштон туманидаги 27-мактабнинг 9-синф ўқувчиси (Маданият йўналиши бўйича мукофотга тавсия этилган).

М. Тешабоева ёшлигидан расм чиза бошлаган. Кейинчалик отасидан кулолчилик санъатини ҳам ўрганганд, сополдан турли хил буюмлар ясад, унга турли расмлар чизади. Республика мукофот комиссиясига ўзи ишлаган 100

дан ортиқ ҳалқ амалий ва тасвирий санъат намуналарини тақдим этган. Ҳақиқатан ҳам ўта ноёб истеъод соҳибаси, санъатнинг тасвирий, ҳайкалтарошлиқ, амалий безак каби турлари бўйича ёшлигидан шуғулланади. Унинг рангтасвир, графика, декоратив – бадиий-амалий кулолчилик санъати жанрлари бўйича ижодий ишлари ўзига хос услугга эга. Айниқса, А. Навоий асарлари қаҳрамонларига атаб чизган расмлари, «Тўмарис», «Амир Темур» деб номланган асари шарқ миниатюра санъатини ҳам пухта эгаллаб бораётганлигидан далолат берса, «Бободеҳқон», «Соғлом авлод», «Пахтакор аёл» деб номланган асарлари унинг замонавий мавзуларда ҳам маҳорат билан ижод қилаётганлигини кўрсатади. Унинг Республика ва вилоят кўргазмаларида 90 дан ортиқ асарлари намойиш этилган ва совринли ўринларни эгаллаган. У 2000 йилда Республика Ҳалқ таълими вазирлиги ташаббуси билан ўтказилган «Иқтидорли ёшлар» Республика кўрик-танловининг 3-ўрин совриндори, Фарғона вилоятида тасвирий ва амалий санъат соҳасида ўтказилган кўрик-танловларнинг голиби.

**РЎЗМЕТОВА
МАЛОҲАТ
ЭРКИНБОЕВНА**

1978 йил 24 ноябрда Хоразм вилояти Бофот туманида туғилган. Бофот туманидаги Бобир номли 1-ўрта мактабнинг бошлангич синф ўқитувчиши (Таълим йўналиши бўйича мукофотга тавсия этилган).

М. Рўзметова Ўзбекистон Республикаси «Таълим тўғрисида»ги қонуни ва «Қадрлар тайёрлаш миллий дастури»ни амалга оширишда фаоллик кўрсатмоқда. У ҳар бир дарсини янги педагогик технология асосида ўтка-

зишга, ўзи тайёрлаган кўргазмали материаллардан кенг фойдаланишга алоҳида эътибор беради. Малоҳат ҳозирги кунга қадар 5000 дан ортиқ кўргазмали қуроллар тайёрлаган. Ҳар йили анъанавий август кенгашларида ўз маъruzalari билан фаол иштирок этади. Вилоят миқёсида ўтказилган «Энг яхши маънавият муаллими» мукофоти совриндоридир. Унинг шеър ва ҳикоялари туман ва вилоят газеталарида чоп этилган. Айниқса, мустақиллик дарсларини жуда юқори савиядада ўтказади.

У ҳар бир дарсни янги педагогик технология асосида ташкил қилишга, дарсларда кўргазмали қуроллар, дидактик ва тарқатма материаллар ҳамда техник воситалардан кенг фойдаланган ҳолда ўтказгани учун унинг 30 нафар ўқувчиси 100 фоиз сифат ўзлаштиришига эга. У ўқитаётган синф ўқувчиларини чуқур билимли, маънавий етук, истиқдол гояларига садоқатли ёшлар қилиб тарбиялашни ўз олдига мақсад қилиб қўйган. Малоҳат «Фидойи ўқитувчи» унвонига эга. Унинг «Тўкис эмас асли бу дунё» шеърий тўплами нашрдан чиққан. Байрамлар ўтказиш сценарийларини ёзив, ўз ўқувчилари билан ижро этган.

ХОЛМАҲМАТОВА ШАҲНОЗА БАХТИЁР ҚИЗИ

1990 йил 12 июнда Қашқадарё вилоятининг Шаҳрисабз шаҳрида туғилган. Шаҳрисабз туманидаги А.Навоий номли 102-сон ихтисослашган мактабнинг 7-синф ўқувчisi (Санъат йўналиши бўйича мукофот тавсия этилган).

Шаҳноза мактабда аъло баҳоларга ўқийди, шу билан бирга адабиёт ва санъатга қизиқиши жуда баланд. Унинг ижодий фикрлаш даражаси юқори, Шаҳрисабз ва вилоят радио ва телевидениесида болаларга бағишлиланган «Болаликнинг рангли дунёси» ҳамда «Ширинтой» кўрсатувларини маҳорат билан олиб боради. Барча фанлардан «аъло» баҳоларга ўқийди, спорт билан шугулланади, ўзининг шеърлар тўпламига расмлар чизган ва миллий каштачиликни ўрганмоқда.

Вилоятда танлов асосида «Ҳуррият» фильмида шоира Зулфиянинг ёшлигини муваффақият билан ижро этган. Унинг «Оқсаной офтоби» номли шеърий тўплами нашрдан чиққан. «Софлом авлод» йилига бағишлиб ўтказилган узлуксиз телемарафонда «Мушоира» кўрсатувида ўз шеърлари билан иштирок этган. Ўзбекистон радиоси «Ёшлар канали»нинг «Еттинчи фалак» ва «Ўзбекистонканали»нинг «Келажак тонги» эшииттиришларида ўзининг суҳбатлари, ҳикоялари ва шеърлари билан иштирок этмоқда.

Шеърлар

КЎКЛАМ

Кўкламой эрка экан,
Жуда қизиқ эртаги.
Кўйлагининг гули кўп,
Судралади этаги.

Деҳқонбой сочин силар,
Эзгу тиляк тилида.
Ризқа қўшиқ битади,
Билдирмасдан дилида.

Болажонлар қувончи,
Ортиб борар ҳар лаҳза.
Болалар хаёлидай
Атроф рангдор, покиза.

КАПАЛАК

Капалак, ҳой капалак,
Қанотларинг камалак.
Гуллар ранги индима,
Билолмасдан мен ҳалак.

Учишинг ҳам чиройли,
Ҳавасим келар тайин.
Гоҳ кафимга қўнасан,
Кўйлагинг жуда майин.

Капалак, ҳой капалак,
Қанотларинг камалак...

КУЛЧА

Онам хамир қорғанда,
Мен кулчача ясайман.
Қизиб турган тандирга,
Қизиқсиниб қарайман.

Нонлар пишар қизариб,
Ҳиди бирам ёқимли.
Кулчалар ҳам ёнида,
Кўз қувонар боқимли.

Кулчалар саватчада,
Гўёки митти қуёш.
Ҳавас билан боқаман.
Нон ёпдим, бўлсам-да ёш.

Онам хамир қорғанда,
Мен кулчача ясайман...

ҚИШ

Қиши бошлаб келади шамол,
Этагида бир гала совуқ,
Япроқларга қанот беради,
Аммо унда сира мадор йўқ.

Ун элайди осмонда кимдир,
Супра дея ернинг бетига.
Бўғотларни кумуш муз қоплар,
Деҳқон ётмас уват четига.

Чумолилар эшик ёлади,
Онажонлар печка ёқади.
Кушлар эса дам олмоқ учун,
Жануб сари қанот қоқади.

ҲАНДАЛАК

Ҳандалак деса кўнгил,
Хушбўй ислар туяди.
Полизга борган чофим,
Тоғам битта қўяди.

Сарғайибди шунчалар,
Мағзи шарбатга тўла.
Кўш ҳандалак укамга,
Олиб қайтдим бир йўла.

Уйга киргач, барчанинг
Кўнгли бирдай ёришди.
Ҳандалакнинг исига,
Ширмой ҳиди қоришди.

Маза қилди укам ҳам,
Ёноқлари ширали.
Менга мамнун боқади:
— Опа сенга минг балли!

СИНГЛИМ ШАҲЗОДА

Сингилжоним Шаҳзода,
Ютар доим озода.

Сочларида гул иси,
Кўзлари ҳам шаҳло-да.

Меваларни севар хўп,
Меҳнат қиласар жуда кўп.
Пиёлани ювади,
Чивинларни қувади.

Меҳмон-меҳмон ўйнаса,
Баъзан келиб Шоҳида,
Нечундир косачалар
Синиб турагоҳида.

Сингилжоним Шаҳзода,
Юрар доим озода...

ҲУМО

Ҳумоларнинг тилаги –
Ҳар элнинг бахти кулсин.
Буғдою пахтасига,
Хирмони ошиб тўлсин.

Осмонида юлдузлар,
Ой билан турсин чақнаб.
Боболари доноси –
Ҳар доим юрсин алқаб.

ЎЛКАМ

Ўлкамнинг сарҳадлари,
Тўла пахта-ю донга.
Турли неъмат тортилар,
Эл севган дастурхонга.

Бир томони боғу роғ,
Мевалари сершира.
Уни еган инсонлар
Қаримайдилар сира.

Мен каби болажонлар,
Қучоғида яйрайди.
Куч йигиб улар ҳар чоғ,
Истиқболда ярайди.

ШАҲРИСАБЗ

Эртаклар маконисан,
Ҳар саройинг афсона.
Ҳайратланар юрагим,
Қўлимдан тутинг, она.

Боболарим ҳикмати
Онгимга оқиб кирар.
Момоларим алласи
Тилимга ёқиб кирар.

Оқсаройнинг шифтига
Нигоҳларим етмайди.
Хаёлимдан Темурнинг
Шижаоти кетмайди.

Эртаклар маконисан...

ЮРАК

Сўз бўлгиси келар
Юрагимнинг.
Илиқ сўз бўлиб,
Ўксик кўнгилларни
Кўтарса.

Табассум бўлгуси келар
Юрагимнинг.
Тунд чеҳраларга иниб,
Қувонтирса кўзларни.

Ҳар тонг йўлакда
Гулларни кўриб,
Болаларни кўриб,
Шеър бўлгуси келар
Юрагимнинг...

МУНДАРИЖА

Мамутова Диана Собитовна	3
Номус кучи.....	3
Кўчқорова Ҳилола Норқўзиевна	7
Юксак ўсимликлар систематикасидан амалий машгулотлар ўтказишга доир қўлланма (Кириш).....	7
Раҳмонова Навбаҳор Халиловна	10
Ҳикоялар	
Унугилмас кун.....	11
Ўзимиз эккан чинорлар.....	12
Хатосини кеч англади.....	14
Гул, гулзор ва булат қиссаси.....	15
Ойимнинг совғаси.....	16
Ибрат.....	17
Алла.....	18
Ўқинч.....	19
Ражабова Дилфуз Шавкатовна	20
Таржималардан	
Америка байрамлари ҳақида.....	20
Янги йил куни.....	21
Рождество.....	22
Бошқа байрамлар.....	22
Исанова Зебунисо Холмуродовна	24
Шеърлар	
Ватан деб яшаймиз.....	24
Ватан.....	25
«Таним – Ватан меҳридан...».....	25
«Ватан саждагоҳидир...».....	25
«Баҳор келмай...».....	26
Бахти кучаман.....	26

Юлдузга боқиб.....	26
Қор ёғмоқда.....	26
Она шахрим.....	27
Баҳор.....	27
Мирзакпарова Холида Тўрамирзаевна.....	28
Асқарова Гулжамол Шодмоновна.....	29
Шеърлар	
Аждодлар шеъри.....	29
Шеъримга.....	30
Покланиш.....	31
Илинж.....	32
«Бир ёр топсак...».....	32
Эрк.....	33
Отамга мактуб.....	34
Зойитова Шаҳло Набиевна.....	35
Шеърлар	
Ватан.....	35
Устоз Зулфия шеърларини ўқиб.....	36
Бепоён далам.....	36
Сизга ўхшасам.....	37
Юр, чиқайлик Наврӯз сайрига.....	37
Баҳор.....	38
Аёл.....	38
«Оппоқ қўшиқ...».....	38
«Ҳеч қачон оналар...».....	39
Ёмон қўраман.....	39
Дугоналаримга.....	39
«Ўйларимга сиз шоҳ...».....	40
Ёз оқшоми.....	40
«Мұхаббат – қалбда...».....	40
Холмуродова Зебунисо Баҳодировна.....	41
Шеърлар	
Ўзбек хонадони.....	42
Гуллар бекаси.....	42
Ракиблар.....	42
Тўргликлар.....	43

Турғунбоева Гулноза Тоштемировна.....44

Шеърлар

Азизсан, Ватан.....	44
Келинчак Наврӯз.....	45
Иккиюзламачи.....	45
Онаизор.....	46
Боланг асра.....	46

Тўқлиева Наргиза Боқижоновна.....47

Ҳикоялар

Болалигим – подшолигим.....	48
Баҳор айёми.....	49
Аёл – она.....	50
Гўзаллик ва эзгулик тараннуми.....	51
Куз.....	52

Тешабоева Муҳайё Жўрабоевна.....54

Рўзметова Малоҳат Эркинбоевна.....55

Холмаҳаматова Шаҳноза Бахтиёр қизи.....56

Шеърлар

Кўклам.....	56
Капалак.....	57
Кулча.....	57
Қиши.....	58
Ҳандалак.....	58
Синглим Шаҳзода.....	58
Ҳумо.....	59
Ўлкам.....	59
Шаҳрисабз.....	60
Юрак.....	60

Адабий-бадиий нашр

ЗУЛФИЯ ҚИЗЛАРИ

Муҳаррир *Ж. Субҳон*

Мусаввир *Ҳ.Худойбердиев*

Бадиий муҳаррир *А.Бобров*

Техник муҳаррир *Т.Смирнова*

Кичик муҳаррир *Н.Фозилова*

Мусаххиқ *Ф.Ортиқова*

Компьютерда саҳифаловчи *С. Раҳмедова*

ИБ № 4022

Босишга 5.11.2003 й. да рухсат этилди. Бичими $84 \times 108^1/_{32}$. Таймс гарнитураси. Офсет босма. Жами 1500 нусха. 3,36 шартли босма тобоқ. 4,0 нашр босма тобоги. 371 рақамли буюртма. 63–2003 рақамли шартнома. Баҳоси шартнома асосида.

Ўзбекистон матбуот ва ахборот агентлигининг Faфур Ғулом номидаги нашриёт-матбаа ижодий уйи. 700129, Тошкент, Навоий кўчаси, 30.
У. Юсупов кўчаси, 86.